

東甌記略



東  
甌  
詔  
時



同治戊辰  
孟秋開雕

國家軍興以來東南幾無完郡大亂既次第平

朝廷憂憫元元數下詔書敕大吏慎選賢能牧守拊循瘡痍所以尉安牧養百姓德意至厚於是 澗鄰戴君以治行尤

異擢守嚴州逾二載又移守溫州我溫之被賊也視嚴日淺郡城及我瑞安幸以堅守得全然而四郊之外戎馬蹂躪閭閻虛耗重以一切言利之術徵求煩數而民愈困元氣至今未復也君以名孝廉宰浙久所至厯厯著聲績守嚴之政嘗讀所示宦游紀畧一書而得其詳矣今蒞溫甫一載正己以率屬勤事而愛民剔蠹興利百墜具舉一如其治嚴也而尤

序

一

惓惓於學校倉儲正人心厚風俗夫教養之具人心風俗之故古人言政未有能先之者而俗吏期會簿書日不暇給初無意於爲之也卽有意爲之矣非怠則僞乃君一措注間無不立起有效非以實心行實政何以及此其規畫方畧亦皆紀之以文用示後來蓋欲繼此者遵守勿失且益爲擴充而君之意始愜也是真大有造於我溫者矣昔兩漢之隆尤重郡守孝宣常稱庶民安其田里而無歎息愁恨之心者政平訟理也與我共此者其惟良二千石乎夫天下之大郡邑之積也郡邑治則天下無不治然則有郡邑之寄者使各張其

職如君又豈獨溫民之受其賜哉同治戊辰冬日治愚弟孫  
鏘鳴拜序

序

二

東甌記畧

重修溫郡文昌廟記

潤州戴槃澗鄰氏著

議建同知守備衙門移駐楓林鎮記

禁止溫郡坐筵記

建造府盈餘倉並儲備倉穀記

義倉增積穀石記

重建大觀亭記

改造資福寺記

敕封楊府廟記

目錄

重設採訪局記

重修中山書院並增廣膏火記

重修育嬰堂並籌添經費記

增設義學並籌備經費記

增置義地並掩埋經費記

重修府署三此園記

重修溫郡武帝廟記

重修溫郡文昌祠記

重修溫郡城隍廟記

重修四賢祠並刊諸賢實錄記

重修雙忠祠記

改造昭忠祠門徑並設殉難紳民牌位記

重修存濟祠記

附刻

收復樂清縣城記

樂清辦理善後記

楊府君勘亂顯靈記

目錄

二

議建同知守備衙門移駐楓林鎮記

戴槃

國家設立府縣治暨分防佐貳汛守各官本周禮陳殷置輔遺意蓋使民陶化善俗無自放於禮法之外其意至深且遠顧或謂深山叢箐中民情獷悍非有令長整齊約束風氣驟難變易此永嘉郭明府所以有設縣分治相溪之議也相溪屬永嘉東北鄉界縉雲仙居黃巖樂清山民頑梗恃其深遠遼遠抗糧拒捕習爲固然官以催徵緝捕爲畏途居民小有衅端往往糾衆持械互鬪釀成巨案乾隆年間曾移駐縣丞把總於楓林鎮鎮爲南溪適中地外有土堡周圍二里許布置最爲得宜然位卑職小不足以資彈壓且官不到防日久竟成虛設改絃而更張之分縣之說誠不爲無見雖然有二難焉創始難籌欸尤難築城垣立學校設官屬置衙署建神祠工作並興所費甚鉅余再三籌度議移駐同知守備二員於楓林以資表率詢之地方紳耆僉曰可查同知在城職海防事本簡城守及中左右四營有守備四可移一營文武大小各員聲勢聯絡就近彈壓頑梗之習可變緝捕催徵定見日有起色此余區區經畫之苦心也所有籌議情形先已通稟大憲批准入

稟大憲批准入

奏一面委員前往勘估建造衙署工料若干籌定經費錢數  
其餘差役兵丁仍照額存舊章無須添設較之分縣之議費  
用少而成功易一轉移間可收實效所損者少所益者大將  
見化強悍之風爲善良之俗無恃爲政教所不及而自外焉  
固百世之利也余與郡之賢士大夫樂觀其成者也故縷述  
其事之始末以告後之爲政者是爲記

禁止溫州坐筵記

戴 槃

溫俗新婚三日張樂設飲宴新婦於堂眾粲畢集東西兩行坐觀者如堵名曰坐筵見袁簡齋隨園詩集至有客酬酒婦報爵之說此文人之筆好爲夸誕豔稱之以爲美談其實未嘗有是也惟闌入不禁平視無嫌則信有之禮法之家豈宜若是今雖此風稍息尙不能盡除守土者爲之厲禁則可以止矣余守郡以來於教養興修諸大端悉心籌畫此事尙未及禁者誠以禮義修則廉恥生廉恥生則舊染革先其本也今年春郡之諸紳士咸請飭禁余曰可因示以罰並准鄰佑

三

指告而坐筵之風遂息信乎上行如風下應如草地方官果能隨時訓誡無不可易之風俗也夫東甌古稱小鄒魯乃未流頹放奢靡成習甚至相率效尤恬不知怪其於風俗人心大有關係前永嘉縣陳明府刊列婚喪禮節侈靡各條其中  
有暴殄天物顯干例禁者不一而足業已通詳大憲一律禁止而至今仍未盡遵行禮曰國奢則示之以儉余竊慕羔羊之義欲以節儉正直化導斯民崇實黜華旣躬行以率之矣今而後毋染舊俗毋犯刑章所謂倉廩實而知禮節衣食足而知榮辱父兄子弟轉相告誡使歸真反樸上追鄒魯之風

豈獨坐筵一節爲當痛除積習歟紳民其共勉之余實有厚望焉是爲記

浙省自兵燹以後各縣倉穀存者無幾余曾有各郡建一府倉存貯穀石之議前守嚴郡時稟請建倉儲穀辦有成案今蒞任溫郡知舊存永豐鹽義各倉俱廢查府署向有南米盈餘一欸特稟明大憲分成酌提存儲倉穀將六年應提之欸就永豐倉舊基建造倉廩二十二間名府盈餘倉因欸提南米盈餘故也趁此穀價平賤之時動用公欸先行採辦余捐穀五十餘石並前周太守發價買存官穀二千六百餘石一併登倉今已積穀萬石竊謂倉穀爲救荒善策府倉之設尤

五

所以酌盈劑虛屬縣中偶有偏災其本無倉穀者卽可就郡借支便於碾動以視招商買米動需時日者其難易緩急爲何如耶夫天下事可與樂成難與圖始余之建有此倉頗費經營自今以後年積一年有加無已雖有旱乾水溢民無菜色全賴乎此若能久而不廢則造福於民者無窮若夫推而遠之使各縣建一義倉或每鄉建一社倉有志者事竟成尤望於繼起者之爲之也是爲記

儲穀以備荒仿古常平倉遺法此不涸之源也東甌素稱魚米之鄉未嘗仰給他郡故穀價常平然小有災歉居奇者昂其值不肯售貧民之無食者或攘臂而爭致啟衅端咸豐三年已事可鑒也此倉穀之備以救災實以弭患先務之急無踰於此郡城義倉在府學內咸豐六年教授金衍宗勸捐建造共厩房二十一間捐積穀石至同治六年僅存穀千餘石余於六月間來守斯土值米價翔貴全數糶賣以濟民食是秋歲大熟價平買穀還倉增加六百餘石又將各米舖按年

六

籌積經費添儲五百餘石委永嘉縣丞張卓人經理余乃倡捐穀五十石復勸各商民共捐穀二千餘石總計已積穀四千一百七十石照數收倉由此積少成多歲有所增雖至萬石無難焉夫社倉之法善矣然一貸一收有息有耗出納之際非經理得宜恐亦不能無弊設遇歉歲收不足數而所存之穀或有不敷散給之處故社倉祇可行於一鄉以濟官穀之不足可以就近分給至郡城積穀既多原不必專爲救荒而設穀貴則可以平價穀賤則可以增額多多益善民受其利而不知是在官斯土者實心任事而已是爲記

重建大觀亭記

戴槃

考名勝志永嘉華蓋山巔有吸江亭今改大觀亭又名江山一覽載稽郡志不言建自何時蓋闕如也顧亭爲康熙年間濫處道陳公永嘉令馬公効節之所登斯亭者英風正氣猶彷彿見之今已傾圯二十餘年矣余攝郡篆適董事陳承鏘等稟請建造乃捐廉十萬錢並諭令紳士李全英勸捐集貲鳩工興作如舊制仍名大觀亭客有從余遊者請曰江山勝概如在掌中洋洋乎大觀也亭之仍斯名也其以此歟余曰唯唯否否觀之意有大焉者矣觀吠澹之縱橫則思何以利吾民觀閭閻之鱗櫛則思何以樂吾民觀城池之鞏固則思何以保吾民觀山海之險要則思何以衛吾民登覽之頃能無觸目警心乎哉若夫感慨欷歔憑弔二公之忠烈則又與學士文人共焉者也余忝守斯郡豈僅以是爲名勝所係而重煩吾民歟於是繹大觀之意而詳言之是爲記

改造資福寺記

戴槃

華蓋山在甌城東偏爲九斗之口有容成太玉洞道書稱天下第十八洞天山之半爲資福寺始自西晉故俗稱此山曰資福余下車伊始巡視四城登山瞻眺見寺中殿宇窄小房舍漸就傾圮山頂大觀亭遺址僅存山徑亦損壞不堪蓋由軍民斫木掘土牧馬放牛以致形勝之區盡委榛莽不獨無以壯觀瞻亦郡城元氣所關也於是亟議興修適重建大觀亭捐廉泉爲助諭令紳士李全英勸捐集貲乃分七十萬錢鳩工庀材拓其舊而新之榜曰洞天福地旁置山房八間左名左宜右名右有以資憑眺孤嶼峙其北海環其東西南岷岡甌浦諸峯歷歷在目不啻收羅几案間遊人登亭必於是小憇焉實爲一郡名勝之冠今補栽松木並勒碑永禁私斫盜葬者有則必懲後之人隨時整頓經理得宜庶有以保郡城之元氣而二千餘年古蹟亦永垂不朽焉耳是爲記

敕封楊府廟記

戴 榮

異哉樂清縣城之復也咸豐甲寅十二月土匪瞿逆倡亂虜聚縣城勢張甚大兵未集士民俯首帖耳莫敢撓其鋒忽一日闐然而起齊心殺賊渠魁授首羣匪千七百餘人殲焉城遂以復僉曰此楊府君之助也嗚呼異矣洵非神力不至此時余以剿辦事抵樂聞人言厯厯如繪爲作勘亂顯靈記上其事於大府請於

朝乞加封號順輿情答靈貺也旣而部議飭查未覆至同治六年復請馬中丞題催始得

九

奏准

欽加福佑二字封典甫下余方攝郡篆恭迎

敕書告於神供奉訖考神之受封飭廟自宋始蓋其著靈海澨厯有年所故郡邑皆有廟

國朝自嘉慶以來海匪不靖均賴神力轉危爲安迭資保障神之爲靈昭昭也而樂人平賊之事爲尤奇內無主謀外無兵力羣賊坐堂皇方謀襲郡城而乃一呼四應義聲震天地突起奪賊刀直前刺之殪賊惶遽不知所爲或跪授刃束手就戮無敢抗拒者至婦人豎子咸能刃賊亂定後相顧愕眙

率不解其何故謂非天奪之魄而神助吾民耶先是郡中有  
通賊者約同日起事先一日破獲瑞安逆黨某其子忽作神  
語白其父謀逆狀事遂洩永瑞之民亦皆以爲楊府君所使  
則神之禦災捍患有不可思議者膺封號崇祀典宜哉夫不  
煩兵力羣起而攻之蠢茲醜類一鼓盪平使溫台兩郡無攻  
剿饋餉之苦非獨神之大有造於樂實大有造於浙東也  
聖天子以神道設教其卽此意也夫是爲記



十

重設採訪局記

戴 槃

溫郡自康熙年間耿逆肆擾而後休養生息涵煦我國家深仁厚澤浹髓淪肌蓋不見兵革幾二百年矣咸豐辛酉平陽會寇倡亂永瑞平三縣紳民殉難不少同治紀元髮難者更不乏人雖屢經設局採訪遺漏尙多余乃捐廉二十萬錢委永嘉教諭王樹榮開局舉辦並諭令司事孫自勵等分赴各縣會同原辦司事悉心採訪查得永嘉縣殉難紳民婦女一百三十七人又續報一百六人瑞安得一百八十七

十一

人樂清得七十三人計五百有奇通詳大憲照例請卹嗟乎浙省自遭亂以來七十六州縣淪陷殆盡存者僅衢之西安處之慶元龍泉溫之永嘉瑞安平陽泰順玉環暨甯之定海七縣兩廳耳而溫居其五他郡率被擾數年獨溫之蹂躪日淺實由士民倡率團練人自爲戰所在舉義旗剿賊故賊不得深入瑞安以南閩疆遂安然而其中或以戰死或不屈死先後採訪呈報者已不下千數百人其他郡之死於亂亡者浙東西不可以數計矣可勝痛哉省城採訪局至今未撤余之重設是局亦誠恐忠義節烈或泯沒而不傳此有司者之

過也是爲記



三

重修溫郡中山書院並增廣膏火記

戴槃

東甌之有書院蓋自宋儒王儒志先生於伊洛未作之先講學東山倡明理學後人因創爲東山書院由來舊矣

國朝乾隆二十五年郡守李君琬旣興復之乃更闢地於中山之陽名中山書院講會有堂肄業有舍層樓傑閣規制崇闕與諸生藏修息遊於其間所以上溯伊洛之淵源將於是乎在雖然東嘉之學至宋而極盛遊程朱張子之門者三十餘人登進士及賢良方正宏詞孝廉諸科數百人其時固未有書院也而克自振拔如此今旣有其地矣往往狃於記誦

三

詞章之末經史典籍皮置高閣以爲無用空疎剽竊苟焉弋取浮名而已古人所謂通經致用者安在無怪自有明以後繼起者難其人也余下車之始首以培養人材爲急查書院房屋歲久失修考試桌橈及一切物用損壞過半乃亟捐廉十萬錢另籌欸三十餘萬錢重完治之置器具几案洪纖畢備使肄業住院者有托焉遂乃詳請大府於捐局串餘項下每年提錢五百千以爲增廣膏火之用分別加給鼓舞而作興之迄今一載有餘負笈來者日益衆課藝亦彬彬可觀蓋坊間向有余書經集句文賦稿余亦間有持贈受而讀之者

咸知本經籍發爲文章良非虛語而醇茂淵懿之作出空疎  
剽竊之風稍息由是進而求之儲

國家經濟之用紹先哲理學之傳處爲醇儒出爲名臣安見  
元豐九先生醇熙六君子之學問勳業不接踵起也諸生其  
勉之哉是爲記



古

重修溫郡育嬰堂並籌添經費記

戴 槃

育嬰堂之設所以補救天地之所不能生與夫父母雖能生之而仍不能生之憾者也嬰兒之生力不能匍匐以就口食又不能呼天呼父母一日不乳哺則立斃矣而天地父母於是乎窮所賴爲民父母者使他人之母母之以全嬰兒之生卽以弭天地父母之憾此三代以上不獨子其子之義也甌郡育嬰堂創自乾隆初郡守金君洪銓李君琬繼之有堂有舍有田租有息銀至詳且備百餘年來悉仍其舊自嘉慶末年內有房屋倒塌日久未建門堂亦俱損壞查舊存發典生

五

息銀兩並塗田二十餘頃每年僅供本堂之用並無贏餘以爲修造房屋及圖匱續乏之備遂相率因循以至於今余蒞任之始通盤籌畫迺捐廉十萬錢並籌欸四十萬錢廢者修之墜者舉之另勸各鋪戶書定願捐積少成多以期歷久常行每年可得錢八百餘千又於捐局內提錢二百千撥入嬰堂遂飭各縣之無嬰堂者送至郡城一律留養舊立規條稍加整頓余前蒞桐邑時增置田畝計歲入之費可多收養幼孩數十人及守嚴郡適當兵燹後修造堂宇整舊添新俾孤苦兒女有庇蔭餽粥之所今於溫郡猶前志也喜其成規具

在擴而充之經費充則收養多收養多則遺棄少庶幾吾溫  
之遺孩罔不生生用以衍大生廣生之義此郡牧之責也尤  
余之所望於後來者也是爲記



六

義學卽義塾也建房舍峙錢米延師儒以待貧乏者之子弟就學焉所以輔黨庠州序之不足也故或一鄉有之或一邑有之或一郡有之然必歲有常入有餘蓄而後可否則匱匱則不可以久名存而實廢此溫郡各邑義學久而寢廢者多也惟府義學公所在道署前郡志所不載其延師修脯則於掩埋經費項下支銷由來已久余查掩埋一欸本屬不敷又移而用之義學此名實乖舛之尤甚者斷斷不可余乃籌定銀六十兩每年由府署給發作爲義學經費定之以從學名

七

數別之以束修多寡或損或益隨時可稽昭覈實也余於蒞任之初先已興修房屋置備桌椅壞者葺毀者完皆捐廉泉以治之蓋旣名爲府義學則由府經理亦惟循名責實焉耳此外有衛義學一所今勸廳縣又各設義學一所均自捐廉舉辦義學之增設豈不大有裨於實政哉余復出錢三萬刊印座右銘三字經陰騭文四言詩以便童蒙誦習由是絃誦之聲達於四境因城及鄉廣設義塾此尤余之所深望而未竟其志者也是爲記

掩埋之政仁術也周禮秋官蜡氏有埋而置楬之文月令有掩骼埋胾之事後世漏澤園之設所在多有凡以心古昔聖王之心不使長逝者之魂魄私恨無窮也溫郡舊置義塚山地不一叢葬已滿乾隆二十五年李太守籌廣經費存典錢現止一千一百串計得息錢一百數十千文移作義學之用所餘無幾余乃另行籌款歸入義學再籌添存典生息錢六百千並以前存款息錢全作掩埋經費計逐年可得息錢二百二十餘千又於永嘉縣稅契項下每年提錢一百十千再

六

加租穀錢二十餘千每年可掩埋大小棺骸一千餘具查歷來土工葬棺一具不論大小概給一百六十錢今酌定大棺一具倍給餘悉如舊另購山地一區坐落永嘉縣之十九都翁浦洋地方由上至下計三百三十弓由東至西計二百五十弓動用公款錢一百七十餘千又修整停厰用錢五十餘千是在後來者詳加稽察無負余與前人創建續籌之苦心庶使殄戾全消和氣翔洽仁之至亦義之盡也願無忘澤及枯骨之心也是爲記

重修府署二此園記

戴槃

二此園何爲而作也引流疊石開軒築臺自南豐劉君始有前此者乎曰有之矣斟城李君因桂亭墨池之舊而拓之而新之未嘗以園名自劉君取賢者而後樂此不賢者雖有此不樂之意始以二此名園顧嘗考李君之記在乾隆壬午癸未間劉君則在道光乙未前後七十年當

國家全盛時民和年豐官斯土者與斯民同樂出其餘力以治燕遊之所宜也劉君以來至今三十餘年耳其間東南多故籌餉練兵官斯土者汲汲救過之不暇奚暇樂而二此園遂蕪穢不治亦宜也然則樂不樂又不盡繫乎賢不賢蓋有時會盛衰之感焉余來守溫郡幸逢

九

今上御極之六載東南底定余不敏懼不克稱職於是修舉廢墜於教養諸大端次第舉辦日昃不遑冀與斯民同登衽席顧敢自樂其樂耶雖然歐蘇二公之治郡也闢地爲亭曰豐樂築土爲臺曰超然意必有所以樂乎此者今則除剪荆榛葺治廊舍不引流而泉不疊石而山可以臨深可以眺遠乃於隙地內移竹兩行建亭一座榜曰修篁亭公餘之暇偕賓朋僚佐憩息其間雖不敢與歐蘇媲美亦庶幾不忘與民

借樂之思歎此則余之幸也是爲記

年



印樂之思歎此則余之幸也是爲記

三此園入景詩 并序

園內舊有入景可以棲止者則閱音山館碧淨玲瓏舫味無  
味齋筆峯亭品雪菴餘則九折廊轉玉洞及墨池余同治六  
年冬進署周視園中滿目荒蕪荆榛一片頽垣破屋舊景全  
非惟九折廊轉玉洞墨池遺址尙存乃重加修葺並建亭移  
石種竹栽花改名入景因賦詩以記之

金粟舫

船房外有老桂一株今又添種新桂數株故名

層軒面水屋如舟叢桂留人八月秋愛向天香深處坐此身  
疑入廣寒遊

彖

修篁亭

新於隙地建亭一所左右移竹兩行故名

曲欄千外小池東移植琅玕竹兩叢巧構新亭宜夏日涼生  
左右一林風

冷香閣

閣下新種梅花數株故名

小窗常爲看山開閣下梅花手自栽待得天寒風雪裏坐中  
時有暗香來

綠天居

窗前舊種芭蕉成陰故名

碧雲低處映窗寮繞屋清陰舊種蕉一色蔚藍渾不異秋聲  
還聽雨瀟瀟

清芬室

花臺內新種蘭花故名

春來一室自芬芳靜對幽蘭臭味長  
惟有心清能入妙此間小住得聞香

迴環廊

舊名九折廊因此廊並無九折故改名

迴廊幾曲路彎環步履尋幽興自閒  
最好引人能入勝牆頭數點見青山

轉石洞

舊名轉玉洞因此洞疊石而成故改名

疊石玲瓏勢轉斜敢誇名勝似飛霞  
嵌空都借他山助一線天開景亦佳

亭

古墨池

舊名墨池現池邊栽有垂楊故改名

古來舊蹟墨痕遺太守風流恍見之  
不學揮毫學種柳而今池畔碧於絲

二此園楹聯

集句

春秋多佳日

園林無俗情

不可居無竹

同是宦遊人

每聞佳士輒心許

小築幽棲與拙宜

凝華結藻久延立

種花移石自殷勤

幾多怪石全勝畫

欲遣吟人對好山

悠悠花香疏雨相過

蕭蕭落葉清風與歸

重修溫郡武帝廟記

戴 榮

甌郡武廟在譙樓東道光十九年不戒於火郡人捐貲重建規模宏敞而黜聖丹漆之事未竟近年來爲練勇屯聚頽壞失修余蒞任後朔望行香顧瞻神宇深懼廟貌弗嚴堂廡弗葺不足以肅將祀事乃捐廉十萬錢另籌欸三十餘萬錢於同治七年三月興工閏四月工竣由是殿宇肅然棖榭秩然輪奐丹雘亦復巍然煥然竊思帝之赫聲濯靈宜無乎不在我

朝天戈所指往往顯靈助順是以崇奉典禮視歷代加隆追

三

封三代公爵每歲春秋致祭皆祀以太牢近又增設佾舞與先師廟儀節同嗚呼可謂盛矣夫祀爲八政之一與食貨並重養民事神本無二理今增新廟貌所以尊

國典而妥神靈也後之人其亦與余有同志也夫是爲記

重修溫郡文昌祠記

戴槃

文昌本戴匡六星卽周禮司中司命唐時有文昌宮歷代相沿祀於學校主科名之事至

本朝崇奉極隆自京師以下至郡邑皆有祠春秋二仲致祭享以太牢典至鉅也永嘉縣學之西有文昌祠爲祭祀及朔望行香之所年久失修廊廡牆垣半就隳剝余蒞任後躬拜祠下竊見棟宇摧殘不足以昭誠敬若不興修有司之職曠矣遂捐廉十萬錢另籌款二十餘萬錢重加整理闕者補之舊者新之閱兩月告竣區區修舉廢墜之意所以重科名之報而申敬神如在之誠竊願與後之守此土者共勉此意焉是爲記

郡邑之有城隍猶之乎府縣也均有守土之責是以操興養立教之權以奠安蒼赤責在府縣司福善禍淫之柄以翊贊幽明責在城隍其有水旱不時災祲洊至則官與民咸請命焉爲闔邑生靈所倚賴於是民和而神降之福否則禍亦隨之則惟明乎事神之道而後能治民彰彰明矣東甌郡城隍廟在府治西創造之始志無考咸豐三年正殿燬於火郡人集貲重建規模宏敞迄今久未修葺前任周太守諭令紳董勸辦需費浩繁卒不果余蒞斯土核實估計土木丹漆工料

三

其需若干首捐廉十萬錢又籌款二十萬錢並勸各邑令共集捐錢三十五萬錢剋日興工正殿寢宮次第修整其中舊有園亭之勝靡不一律完固三閱月而告成夫神之所棲不壯不麗不足以示威靈郡自削平寇盜雨暘時若年穀屢登疵癘不作是誰之賜歟而官斯土者顧於事神之道第曰奉行故事已耳則其於治民之事亦惟因陋就簡已耳幽明殊途理無二致守土之謂何其有愧於神也多矣余之爲此役也不敢謂質諸明神而無愧亦以盡守土之責云爾是爲記

重修四賢祠記

戴槃

濫郡四賢祠舊在鹿城書院中祀程明道伊川朱晦庵張南軒四先生以鄉賢周行已許景衡等三十三人配皆從遊四先生之門親見伊洛淵源者也當是時嚴黨禁斥偽學者蓬起而此邦先哲篤信好學不遠數千里師事四先生卒爲名儒俎豆千秋可謂盛矣顧祠創於前明郡守鄧君重建者爲郡守衛君後經兵燹僅存數椽

國朝乾隆二十年督學雷公復建而加擴焉未幾爲營兵蔣姓所佔冒蔣叔蒙後裔侵蝕祀田今且祠圯祀廢木主朽蠹

三

都人士至不能舉其姓氏何以使後學者聞風而興起歟余於同治丁卯攝郡篆深懼無以紹前人創建之意乃籌款興修新粟主定春秋致祭押令蔣姓遷移祀田已賣者捐廉續之祠內留存者按畝而清理之所收租息爲修祠宇祭祀之用並刊附祀諸賢實行錄以備省覽易鹿城書院舊額爲四賢祠紀實也夫諸君子宗仰四賢如泰山喬木流風餘韻六百餘年矣卽斯祠之建旋廢旋復出之榛莽荒穢之中者亦屢矣今又煥然一新世道人心絕續之所繫豈偶然哉抑余之爲是舉也將使郡之士瞻仰遺型進求夫諸賢之講學論

道與夫事業文章更世千百而不朽者度非膠庠其姓氏卽  
可詡詡然曰吾四賢之徒也韓子曰莫爲之前雖美弗彰莫  
爲之後雖盛弗傳永嘉之縣豈必遂無傳人哉此固守斯土  
者之所厚望也是爲記



姜

重修雙忠祠記

戴槃

雙忠祠在郡城華蓋山上祀溫處道陳公丹赤永嘉令馬公  
瑛康熙十三年耿逆自閩窺伺溫郡二公集文武登此山議  
戰守策總兵祖宏助從逆二公同時被害三十五年浙江巡  
撫線公題請

敕賜建祠崇祀

御書雙忠祠額忠魂義魄千古爲昭矣嗣後馬氏後裔捐田  
百數十畝作修祠祭祀之用爲營兵侵蝕祠宇剝落不加修  
葺余到任後捐廉五萬錢葺而新之並將原置田畝逐一清

理

將每年所得租息錢百數十千歸祠應用慨自耿逆之變  
至今垂二百年二公殉節事父老猶能言之泊辛酉壬戌間  
叠遭會匪粵逆肆擾而合郡士民同仇敵愾能戰能守深明  
大義卒保城池安知非二公之靈爽有以默相之者歟守此  
土者上以體  
朝廷表忠之意下以作吾民向義之風俾斯祠田產租息永  
永不廢其所係顧不重哉是爲記

改造昭忠祠門徑並殉難紳民設位記 戴 槃

郡城之南建有昭忠祠左祀忠義右祀節孝前周太守委員  
修理規模雖小祠宇尚新惟大門在田野間春秋祭祀官員  
齊集出入不便遇雨則行泥淖中非所以將誠敬也余提祠  
內公欵五萬餘錢另闢大門雍豐草甃石路如砥如矢趨踰  
之儀肅焉又捐廉俸二萬餘錢將永嘉縣殉難紳民婦女之  
奉准入祠者五百餘人製造木主送祠祭祀祠內向有田十  
四畝所得田租亦查明歸祠應用夫忠義節孝足以維風教  
而正人心載之志乘錫之祀典英風勁節與九斗相高矣邦  
之人士列拜祠下其必有曠世而相感者則余之爲此舉亦  
未始非政教之所繫也是爲記

重修存濟祠記

戴樂

祠名存濟何存無祀及有子孫而不能奉祀之主於祠中志厚也夫無祀則主無所歸子孫不能奉祀至無片瓦尺椽之庇主亦無所歸勢必委棄榛莽甚或供薪爨之用慘矣哉傳曰鬼猶求食食旣不可得矣至不能保其數寸之主於身後將謂其人已死其鬼不靈耶固仁人君子所宜心惻也祠在華蓋山雙忠祠後向止棟宇三間不知所自始迄今歲月寢久木主香爐無可位置舊存之主亦大半朽壞余憫之諭董事查明登簿以備稽考祠之左右添創房屋六間請於方觀察發軍工廠木料百株余首捐五萬餘錢又籌款五萬餘錢爲工用之需旣歲事慨然曰今而後苟能使閭閻樂利無饑無寒彼爲子孫者不致如葛伯之不祀幸也卽不然與無祀之主共存斯祠位置有所未始非仁術之一端也余喜其風之厚尤願郡之人常體此意永永勿替也可是爲記

附刻溫郡各楹聯

關帝廟

乃聖乃神乃武乃文至于海濱德威惟畏

自西自東自南自北方行天下祀事孔明

文昌祠

寶氣煥層霄耀天上星輝光聯北斗

文章行大塊主人間風教化及東甌

府城隍廟

作善降祥作惡降殃正直爲神莫道竟無前世劫

曰哲時暘曰肅時雨燠寒成歲惟期長此屢年豐

楊府廟

出守到東甌幸十二年中重瞻廟貌

頒恩來北闕正九重詔下甫答神庥

四賢祠

學重心傳千百載同明聖道

世留手澤卅三人不愧儒宗

文信國祠

辱王幸一息尙存涉險履危能脫身於京口

正氣與兩間常在成仁取義留遺像於江心

雙忠祠

爲國捐軀公沒神靈常在

登亭弔古我來祠宇重新

資福寺山門口

此山勝桐嶺松臺翠微青嶂

斯地有石潭牛塢丹井蒙泉

資福寺山房

天開斜景徧

一一

山遠與人齊

舉頭望明月

盪胸生層雲

大觀亭

大觀在上

小住爲佳

孟樓

憶故鄉兩點金焦同斯佳境

到此地一樓風月助我清談

府大堂

因人成事因地制宜墜舉廢修惟在實心實政  
以儉養廉以勤補拙上行下效要期有守有爲

府二堂

居一日官盡一日心無怠無荒當思於物有濟  
治百姓難愛百姓易同好同惡惟在強恕而行

中山書院

地傍中山築室於茲惟講學

居同廣廈寒儒到此亦歡顏

三

育嬰堂

保息重周官曰仁曰慈問何以心推赤子

併幪同夏屋是究是度要無慚身坐黃堂

收復樂清縣城記

戴 槃

甲寅冬十二月樂清瞿振海等謀爲亂倉猝變起縣城不守姚署副將暨趙典史均遇害逆黨四出賊焰甚張省中警報叠至大吏爲之震驚適余委署湯溪縣事尙未起程赴任其時撫軍檄發大兵令溫州葉總鎮帶兵千名處州毛總鎮帶兵千名台州吳總鎮帶兵千名委余亦帶兵勇千名會同攻勦並兼辦各路支應余曰任大責重宜檄委司道大員一人前往勦辦撫軍曰藩司無出省之例臬司有留防之事運司催徵鹽課糧道辦理海運均關緊要汝卽日起程無稍諉卸遂改授台州司馬之職余應命遄行是役也催督兵勇兼程並進中途得賊勢猖獗信將謀襲郡城余憤且懼余聞溫郡地方濱大海臨高山樂清界乎溫台之間山海爲之阻隔將欲進兵攻勦人力又恐難施正在籌策之際我兵已抵溫郡翌日樂城卽報收復夫樂城何爲而復也樂之士民同聲倡義自己及午渠魁授首賊匪殲斃者千七百餘人城遂以復在婦人豎子咸能手刃斃賊厥功尤奇檢點我民無一傷亡此其中有神助焉余歷觀史冊所載古之善用兵者興師滅寇靡不藉資兵力今乃未煩一兵未戰一士卒能殲除醜類

立奏膚功樂之人既無首倡又無軍器若使賊軍抗拒無以  
制勝乃天奪其魄一鼓盪平人力不至於此余以從事樂清  
得晉升階是爲記

晉書

立奏膚功樂之人既無首倡又無軍器若使賊軍抗拒無以  
制勝乃天奪其魄一鼓盪平人力不至於此余以從事樂清  
得晉升階是爲記

余抵溫郡之翌日樂城收復將所帶兵勇截留郡城首赴樂清安撫居民並查點屍骸令署樂清縣李君掩理事畢適運司慶公由省赴台州查辦金溪土匪滋事撫軍委赴樂清同余辦理善後事宜余自到樂後招集流亡撫恤難民其餘練勇設防賞功問罪靡不次第舉行而於查拏逆黨一事搜捕尤急未及兩月先後拏獲要犯僧靖毛等二十餘名首逆瞿振海等家屬二十餘名又謀襲郡城未行在外創刼之犯王得宗等十餘名在監逃逸應行斬絞之犯徐時鑑等十五名

晝夜承審通詳各大吏或解省定擬或留禁候示以外所拏脅從之民不可勝數余概行訊釋絕不株連全活甚衆余查瞿逆之據縣城也私雕印信分設僞官鄉城之民被脅者不可以數計倘欲盡法懲治則誅之不勝誅且恐急則生變是以運司有欲辦之案余屢爲之力爭乃止時有犯人徐錫禮者供在官書役被脅者十餘人運司派員查拏書役聞之聲言樂清被脅民人盡欲拏辦煽惑大衆滿城人心皇皇幾至釀成事變余乃卽日傳各書到案訊明爲之開釋而人心大定余豈好爲其寬而不爲其嚴哉亦猶是古人所云殲厥渠

魁脅從罔治之意也虹橋爲瞿逆起事地方瞿逆伏誅省中官兵旣至不得不明示以威運司行抵虹橋余首請拆毀瞿逆宗祠次及倪陸兩姓以示孫子之謀逆者祖宗不能有其祠用昭炯戒居民悉令安堵無恐而民心攝服後有樂清縣役因赴虹橋拏案妄言此地居民有劫奪要犯一事其言達於上派都司宋某會同樂清營縣往拏某等未敢前去乃同稱虹橋地民有抗拒之勢其時余同運司已移駐溫郡令余選調兵勇前往勦辦余謂此事無煩兵力乃隻身帶隨役數人親至其地曉諭居民所要之人立時送出訊明情節乃知前言之誣其事遂息而大獄不復再興是役也自甲寅冬十二月至乙卯四月夏旋省乃得竣事是爲記

古之神人有功德於民廟食百世載之志書班班可考後人道其姓氏里居靡不詳悉溫郡各屬有楊府君廟鄉之人迎神賽會咸致敬焉咸豐甲寅十二月樂清瞿振海等聚衆作亂縣城不守逆黨羽翼甚多勢難撲滅乃未幾而樂之士民齊心殺賊登時四處響應外則奪門而入內則羣起而攻雖婦女幼童無不持刀相助頃刻屍橫遍地樂城遂復萬姓咸曰此楊府神之力也當賊之初起謀時溫州永嘉等縣意欲同時襲取郡城之爲內應者先一日破獲故未及舉發瑞安

五

逆黨某某其幼子忽若有神附身如顛狂狀自言其父謀逆先期亦卽道破機關已露未敢肆行此二縣者百姓咸以爲楊府神所助而樂人殺賊之事尤彰明較著余收復樂清後聞士民言感且惕乃詣真君廟齋肅報謝因求神之時代事蹟無可考者迨至郡城謁神廟於瞿嶼山之陰得舊碑一字漫漶難辨命工洗剔之始可讀乃知神蓋宋時人也初得道於桃山歿而靈感迭著遂受封敕廟明嘉靖間浙東按察副使袁公以禦倭出洋忽大風起壞倭船送公舟抵岸無恙歸神示之夢次日詣廟行香乃恍然於夜間所見之神卽此神

也遂立碑於楊府山之廟以紀其事云余以神之能爲民禦  
災捍患請於大府奏加封號用崇祀典余感神之德誦神之  
功願神之護國佑民永永無極甌之人終不忘夫神貺也是  
爲記

京口爲江南名郡金焦北固諸山雄傑特起長江如襟帶出  
肘腋間磅礴鬱積發爲偉人自古然矣

國朝自京江相國以來名臣輩出戴氏爲潤州望族內而卿  
士外而封疆代有傳人 澗鄰觀察生長是邦邃於經術著  
集經文賦稿卓然成一家言及奉銓來浙所在以實心行實  
政始終如一名公卿咸推爲經術飾吏治方之兩漢循吏云  
方公之總理清賦局也力主分成量減及裁津貼之說讀減  
漕諸記詳審精密抒下情宣

上德藹然仁者之言先是我嘉善嵌田空糧民困百數十年  
跋

公請奏裁大府允行仰邀

朝廷未有之曠典飲水知源宜何如感也 咸甯 自咸豐甲寅

秋司瑞安鐸是冬樂清土匪滋事縣城不守公以勦辦來甌

事既定招流亡恤難民訊釋脅從全活甚衆固已聞之熟矣

逾年宰桐邑軍書旁午收漕勘災於萬難措手中出以獨斷

民情貼服鄰境咸取法焉稱我鄉賢父母最 弼 又得聞之同

治乙丑守嚴州兵燹後瘡痍滿目公乃墾荒儲穀興學校建

祠署未一年百廢具舉嚴郡舊有九姓漁課由明至今五百

餘年遂力請於大府咨部裁革並令各漁戶改賤爲良而積



留別東甌士民

七律四首

戴

槃

潤鄰

來往均逢夏午時匆匆忽又代瓜期敢云霖雨千家徧但有  
清風兩袖隨駟馬高車非我志一絲半粟亦民脂慚無實惠  
施黎庶萬口空鑄德政碑

十年往事記前游卯歲重來序已週

咸豐乙卯因樂清土匪滋事奉差來溫至同治

四年再到溫郡歲已一週

自昔神功多福佑

余前收復樂清請加揚府君封號至余權篆溫郡已十

二年始蒙

奏准

頻年樂土慶豐收工成廉俸清分鶴

余修文

武廟郡廟及四賢祠雙忠祠存濟祠書院嬰堂義學皆捐廉首倡以成其事

政在辛勤拙補鳩縱

目江山憑一覽

余建大觀亭落成以資憑眺大觀亭一名江山一覽亭

敢希王謝舊風

詩

一

流

敷政端憑教養先廢修隆舉亦求全視如己事皆民事賴有  
前賢啟後賢學紹程朱期克繼名稱鄒魯幸猶傳從茲薄俗  
澆風革不獨奢糜罷坐筵

舊時五馬記行春再到嚴陵證夙因

詔下九天

君

命重轅攀萬姓眾情真海山俯仰成陳迹琴鶴追隨自在身  
此去東甌重話別願留鴻爪慰斯民

東甌闔郡紳士公啟

懿夫推誠布治神君頌以三年

特簡眞除慈母離於一日憶自我

澗鄰觀察憲戴大公祖大人之權守甌也心期報

國政在養民循良第一龔渤海斂手後賢治行無雙黃潁川  
比肩往古固已二千石之知名魚懸虎渡十萬戶之受福鹿  
夾雉馴矣公簪纓華胄鉞鏤名門讀書舉制科作宦典劇  
郡冠大江南北之通儒徧兩浙東西而游宦世欽石氏門庭  
增光史乘民愛馮君兄弟迭起謳歌美政紛綸請陳梗概添  
啟

二

膏油而興講院加意儒林廣儲積而葺社倉殫心歉歲溥仁  
人利預籌鄉會川資歡寒士顏會見科名蔚起諸凡義塾聿  
新造小子也壇祠衆建肅民心也恩周鞠育恤藐孤也惠普  
掩埋澤枯骨也構臺榭則山川倍勝禁追呼則撫字逾恆日  
坐堂皇寅清益勵刻求民隱辛瘁忘疲悉畏威而懷德遠邇  
臚歡統隆舉而廢興經猷丕煥茲當萬物含和之日適值三  
年報最之秋恭膺

簡命移守睦州此地緣慳他鄉福厚及瓜而代行李將離吾  
儕久隸仁帡同遊惠宇挽留乏計報稱有忱爰製德博化光

四字額以誌不誼增拔確蔭棠之思長偕謝客亭留成郇膏  
傳雨之區輸與巖陵山峙他日建牙開府還期騶從重臨此  
時臥轍攀轅可乏驪歌相送所冀方聞碩彥弇雅通材共有  
戴天至恂各成擲地佳篇况切梓桑涵濡已久皆叨蔽芾揚  
扃何難舉駢詞與韻語都密咏而恬吟不定體裁聊當去思  
之頌先爲墮引彙成餞別之篇賢大夫非阿私所好請攷  
公厯官行己之循聲都人士定喜騁其才請示我頌德歌功  
之鉅製謹啟

啟

三

東甌留別和章

上卷

同寅親友和章均用原韻

秦湘業

澹如

龔黃治行冠清時王謝風流遠可期好水好山頻管領一琴  
一鶴自追隨颶薰麥隴車初下雨潤桑田輦載脂五邑謳歌  
胥感戴請看道左去思碑

甌江兩度紀來游撫字心勞惠澤週新綠田多催夏種陳紅  
倉滿備秋收神功孚應災驅鱷吏治均平化協鳩後樂何如  
同樂好開園不獨集名流

輸君五馬著鞭先經濟文章事事全儘有江山供一覽可無

觴詠繼前賢題詩孤嶼愁難和留像名藍合並傳

江心寺有文信國及

先侍郎石刻像

君

父老攀衣渾欲泣也如當日北亭筵

仁風到處播陽春雁宕龍湫話宿因土願識韓名望重人思  
借寇性情真頌聲此日聽盈耳著作先時早等身去去嚴陵  
迎竹馬棠陰重慰舊黎民

王蔭棠

芾南

昔年攝篆憶同時

丁卯五月間事

瓜代慙余早及期牛後從來讓雞

口蕭規猶幸得曹隨

余未攝金衢嚴道時君已先署嚴州

能剛早已知無欲

不潤何須論處脂溫州嚴州自他人視之有肥瘠之殊君正己率屬視之無異也 競爽二

難賢太守哲兄友梅時守廣州東南棠棣合成碑

十載慇懃記宦游君所著宦游記畧不脛而走東西浙水惠全週詩刪漆

洧漁蠲課君裁九姓漁課去百年積弊賦減租庸歲有收杭嘉湖減漕事君董其役

風化從茲除佩犢聞閭不更歎無鳩烏龍山訪希文蹟始信

### 先生第一流

雅亮清公比孝先牛刀小試目無全冰心自矢懷前哲俗骨

難醫陋世賢經術專家誰得似君精熟尙書循良有譜定須傳懷

君不盡離羣感寂寞年時北海筵自君典郡文譚頗形寂寞

二

梨棗知名二十春君所著書經集句文賦幾於家置一編得諧宦轍亦前因締

交金石逢 君少閱世蹉跎愧我真矯矯青雲看偉望堂堂

白日負閒身小詩偶作巴人和痴嗜休輕付手民

薛時雨慰農

春湖五馬送 君時又見公堂受代期舊郡篠驂迎郭伋征

途芋帛送何隨殘黎亂後安耕鑿新婦筵前洗黛脂君革溫州坐

筵陋習往日風流推謝客磨厓重勒使君碑

鴛鴦湖上舊同游星紀推遷又一週報最有書僚宋式自縣君

令躋郡守所至政蹟均刊刻成書採風入告史官收摩天翮健追黃鵠控地

形微笑鸞鳩試向東甌談治蹟澄江如練水安流

此去嚴陵慰勞先瘡痍爾日漸安全經生各讓侍中席漁父

能誇太守賢

用張  
蠙詩

叔度重來輿頌熟鮮于一路福星傳何時

容我春江住爛醉鱗魚櫻筍筵

煙霞沈痼幾經春蘿袞從知各有因管鮑論交翻覆少張高

尋夢性情真江湖放浪懷同輩風月消閒老此身今日與

君重唱和頭銜自署葛天民

楊鏡涵 蓉初

餞行正值餞春時惜別還思訂後期分隔雲泥心景仰身非

三

上

琴鶴夢追隨羨

公刻羽看垂翼愧我元駒尙戀脂此地攀

轅彼望歲政成到處誦豐碑

屈指趨陪海上游光陰荏苒歲將週殫彰神力封書奏澤濟

屠糧獲稔收此日鬢宮應繼鳳昔時廟宇仗工鳩須知太守

恩波廣直與甌江春水流

祖生羣讓著鞭先循吏儒林品望全手澤式字名宦蹟口碑

爭說使君賢集經詩賦三江重華國文章兩浙傳驀地春風

縈別緒四圍山水悵離筵

愧無佳句和陽春聊述萍踪各有因

帝命迪成新未艾

輿情早洽別彌真集成一品傳斯世名在千秋定及身還望  
睦州山上月不徒分照海東民

錢國珍 子奇

萍跡甌江憶昔時會盟江水證心期 珍曾奉檄三署瑞篆 幸聞惠政懸

蒲治未得前驅負弩隨仁粟非同儲薏苡廉泉從不染膏脂

遙知華蓋山亭誌 前蒙賜新修大觀亭碑誌 應比羊公峴首碑

兩浙旌幢記宦游聲名十郡已咸週弊除轉漕民生賴 觀察減

漕有 惠政 賦正荒田地地利收 觀察總 出郭清風車夾鹿行途甘

雨屋鳴鳩侍中經術敷經濟雅望端宜邁眾流

四 上

清畏人知率屬先都從善後計安全龔黃雅化追前蹟王謝

流風繼昔賢再治嚴陵 心簡渥徧聞海國口碑傳竭來

幾度瞻旌旆聊供山穀話別筵

舊頌桐君閣十春題詩紀盛績前因 咸豐八年會奉題桐溪紀畧 治清海

寓塵氛靖坐領名山面目真豸繡朝天看近日熊車載

道惜勞身鹿城多少攀轅句留得甘棠慰眾民

陳王齡 鐵峯

去任逾榮赴任時攀轅臥轍尼行期滿城父老壺漿餞夾道

兒童竹馬隨治行交推彰德化 士民送德博化光匾額 風標卓立戒章

脂長生到處馨香祀

到處設長生祿位牌

不獨謳歌載口碑

十五年來紀宦游東西兩浙感恩迴桐山作宰甘霖降

君宰桐

為民求雨得甘霖

梅嶺分符絕祀收

君蒞嚴求子陵裔僅存二人為籌款奉祀

賦減四

郊除碩鼠課裁九姓慶安鳩

君請裁九姓漁課舟居皆得陸居

文章政事俱

千古

君有書經集句文賦稿行世

不愧人稱第一流

東甌布政積倉先

君蒞甌首積倉穀

更有遺嬰賴保全

君修嬰堂籌添經費

泉建祠壇崇廟貌

文武廟郡廟及四賢祠雙忠祠存濟祠均次第修理

聿新講院啟英

賢

君修中山書院並增廣膏伙

風希王謝高蹤繼學闡程朱道統傳

君崇祀

四賢並刊刻附祀諸賢實錄

儉德清操堪化俗此邦忍復坐華筵

君禁坐筵

俗陋

五

將離惜別感三春况是葭葦有舊因兩載論心關性分一生接物總天真嚴陵又見添新政滄海猶然繫此身遙想旌旗方蒞止郊迎鼓舞睦州民

陳桂齡

揖清

昔年身到武林時屈指剛逢歲暮期奉檄羨君邀賞識臨

民愧我未追隨化行風動孚遐邇駕福星言載牽脂剔弊除

奸胥吏肅頌揚一路口鐫碑

旌旆東來作宦游慈祥愷惻湛恩週典崇大比多方計惠及

遺骸是處收宥罪從輕歌德駿庀材舉廢喜工鳩秋成兩載  
豐穰慶霖雨旁施厚澤流

穀積千倉養育先整躬率物教兼全歡欣贏得兒童躍鼓舞  
交推太守賢願紹龔黃名共播不隨王謝話同傳江山一覽  
閒登眺敢事奢華列綺筵

嚴陵別後幾經春此日重臨續舊因令出推行綱紀立子來  
偕樂性情真訟詞悉泯講張幻節儉何慙俯仰身末俗澆風  
羣感格歌功今又徧斯民

陳彭壽

椿伯

六

上

睽隔慈顏五載時精神如昨慰心期樛材不棄栽培厚茅塞  
能開步履隨大澤羣規施兆庶坐筵俗更禁韋脂吏胥弊絕  
輿情洽滿路聲聲聽口碑

回思往歲詠來游浩蕩仁恩蔀屋週積穀陳陳倉廩裕掄才  
濟濟譽髦收網開三面功真駿工集羣材事盡鳩養老恤嫠  
兼保赤共欽大德比川流

臨別殷勤造士先爲謀生計策安全一心深體黎民隱闔郡  
同稱父母賢願借寇恂懷莫遂治同龔遂績常傳試看耆老  
攀轅意遮道而來繞別筵

任卸嚴陵兩度春  
楓宸特簡續前因  
他年敷教恩同沐  
此日重來道樂真  
有要有倫齊以禮  
克勤克儉本諸身  
紀綱聿整今猶昔  
又聽謳歌徧士民

七

上

字

介

慰

東甌留別和章

中卷 屬吏紳士和章均用原韻

瑞安縣 戴咸弼 學訓導

甘棠垂蔭幾何時此去嚴陵一昔期  
江上旌麾留不住道旁父老願相隨  
清風只許攜琴鶴惠澤甯誇載稻脂  
治行早經推第一好憑萬口爲鐫碑

輶車載德紀前游持節重來歲已週  
案牘苞苴先斥絕江山風月儘兼收  
訟庭虛寂調雙鶴民事勤勞飭五鳩  
政績於今邁王謝惟公端不愧名流

一

中

爲民司牧問誰先教養兼施策萬全  
績奏龔黃收實效名存鄒魯溯前賢  
錦囊麗句臨歧贈孔壁佳篇到處傳  
試向大觀亭上望令人回首悵離筵  
自憐樗櫟亦逢春鳴鹿同歌有夙因  
課士談經慙末學論交折節見天真  
儒生空負名山業循吏當爲許國身  
浙水東西方引領福星一路慰斯民

代理永 會傳楷 嘉縣

荊州初識廣陵時彈指光陰十載期  
自昔戎行蒙顧盼而今甌國得追隨  
渥承厚澤容鳩拙莫挽離懷秣馬脂  
惠愛及民

資教養欣看勒徧去思碑

東甌游罷睦州游舊治重臨歲月週畫戟好從江上去錦帆  
遙向望中收 恩來九陛惟攜鶴慶協三遷歷爽鳩自此  
升恒無限福棟樑材本異時流

重重德政在人先績媿龔黃事事全歷久名場多後輩建新  
祠宇繼前賢兩年雨化諸生感四字詩頒萬戶傳把盞恰同  
春並餞最關情是別離筵

滿眼鶯花正好春忽傳驪唱亦前因嚴灘甌海風俱古鶴舫  
琴裝樂最眞 太守才兼卿相度閒曹羞說宰官身依依未

盡攀留意豈獨懷恩在四民

二

中

溫州府  
經歷 張朝楷

小草剛剛被潤時自憐大澤未逢期雖承首領趨堂暫不勝  
心欽執鐙隨抱得烏情追驥尾聽來驪唱秣車脂仁人卽去  
仁恩在入耳聲聲滿道碑

下僚初到未全游瞥見功成業已週廟貌翻新神亦格山容  
改舊景齊收興寶髦士庠飛鶯觀政英耆杖策鳩寄語紳民  
須記憶恩波終貫大江流

凡事親勞統率先清勤兼慎此身全但看堂育如兒愛方曉

官慈似母賢絜矩課題由內發本廉古訓至今傳

公將去任課書院

文題是以君子有絜矩之道也詩題六事廉爲本

任憑祖道攀轅餞不受都門一席筵

仁風觸處總成春想是甌東寓舊因流水有情迎與送虛堂

能察假和真詰經久冠三江士勒記常存百世身莫贊差同

游夏輩妄思效法治黎民

候補府  
經歷 金贊勳

經濟文章出聖時舉興百廢應昌期買牛似劍今重覩載鶴

將琴本自隨披瞻名方垂竹帛駐顏壽豈在松脂懸魚彈雀

三

中

尋常事試向東甌聽口碑

戎馬曾隨記舊游滄桑忽歷一星週

乙卯隨公帶兵來溫

才如康樂

心相印功羨叔倫指顧收小劫當時憐墮燕

樂清餘逆賴公網開一面

大工不日慶成鳩

溫郡各工程公倡捐計日完功

新亭從此資吟眺始見

甌江清自流

仲由爲政在勞先事事親裁果萬全立法但須觀後效居官

原不讓前賢文翁德化無矜色陶侃勞勤豈秘傳菲食自來

崇古訓黃堂從未列華筵

五馬曾經兩度春永嘉山水漫無因一官伏櫪恩重渥萬姓

遮轅愛始眞竹馬又逢垂釣客  
擁節臨甌栝豈獨歡迎是部民

楓嶠不放臥雲身他年

候選同知  
瑞安縣丞阮祥藻

兒童竹馬記當時

公於乙卯到甌  
卯蒞郡守任相隔一紀公幹丁

忽忽重逢報政

期合浦清風曾共懷平原霖雨喜相隨六時案牘勤民瘼千  
里桑麻裕國脂我愧感恩更知己但懷遺愛拜豐碑

廿載臨安紀宦游

公有兩浙宦  
游紀畧之刻

萍蹤小聚歲三週

公守  
溫三載

藻到瑞丞  
任亦三載

春風願向公門植小草欣承藥籠收掩卷衙齋陽

飼鶴勸耕時節喜聞鳩甌江三折回頭水合共神君愷澤流

四

中

經筵吾鄉邊孝先文章經濟夙兼全憤因索句分唐宋偶爲  
御杯中聖賢元禮門牆原不峻和凝衣鉢愧相傳渭城一曲  
懷人調譜入甘棠侑別筵

懷如秋肅藹生春靦面相投亦夙因久宦世欽平仲儉耽吟  
人愛樂天真一樽清酒難爲別兩郡蒼生寄此身自笑邯鄲  
空學步慙無實惠到斯民

侯補  
縣丞毛鳳起

福星移曜夏初時士庶攀轅請後期沃野欣看苗黍膏輕舟  
惟有鶴琴隨祥徵甘雨同霑澤飲酌廉泉不潤脂留得棠陰

生意滿摩崖好勒去思碑

時艱未忍事優游浙水東西跡已週上考循良書課最通才  
經濟效兼收藝林露湛培植幹蔀屋風恬紀扈鳩重鎮當年  
資保障高撐廉石砥中流

文藝原資器識先德功並立一身全龔黃政績孚民望鄒魯  
儒風繼古賢虎觀才名心契久鹿城惠澤口碑傳從知治術  
皆經術公暇論文歷四筵

竹馬歡迎有脚春釣臺訪舊亦前因

九天雨露承

恩渥兩地農桑勸語真借寇莫償童叟願瞻韓共仰長官身

五

中

節樓翹首黃扉近遠蔭甌江舊部民

升用知縣  
候補縣丞周正淮

憶昔鄉同異地時趨承何日慰襟期一帆江北風相送五夜  
浙東月共隨正擬花陰常帶雨忽驚車駕又塗脂士民多少  
攀留意豈但鐫成德政碑

甌江此次是重游暑往寒來歲兩週昔日干戈偏域定於今  
風景滿城收教期學校騰龍鳳養課陰晴聽鵲鳩興利更能  
除弊政不甘俗尙水同流

居官民事自爲先人樂神安貴兩全大啟廟堂尊古聖崇加

封號闡前賢忠貞祠建名無朽陰隲詩成句永傳豈止大觀  
亭宇迥好憑游眺做瓊筵

草茅方幸澤如春爭奈攀轅各有因舊地恩深知望切離歌  
語摯亦情真騰霄鵬翥頻年事泛水鳧趨異日身一曲巴人  
言未罄聊同頌德徧黎民

候補  
縣丞錢熾昌

柑酒聽鶯正及時福星又值量移期隼旟采徹仁風播鹿藪  
春深化雨隨法肅雷霆恩湛露清懸冰鑑白凝脂雙歧五袴  
謳歌徧海上新鐫德政碑

六

中

爲愛名山著屐游東甌保障已重週門牆桃李千蹊熟瀛海  
珊瑚一網收惠政車前覘擁鵲醉翁亭上聽嘯鳩此行再謁  
嚴陵廟化蜀功深慰枕流

善舉思開必有先雙忠存濟力求全廟成文武崇前聖祀重  
程朱列後賢懷少恩隆源乳臭啟蒙學正續心傳救荒有備  
原無患菲食從來節盛筵

向陽花木易爲春爭說陳陳粟屢因自昔高車惟表德從來  
臥閣但含真攜琴雅韻陶吾性飲水廉明勵此身縱目大觀  
邀福佑神人終始莫斯民

候補  
縣丞 鄒寶善

執轡從 公憶昔時三年報最忽逢期歌聞驪唱難留別念  
切鳧趨恨莫隨德媿龔黃垂政績轅攀父老挽車脂萬家霖  
雨羣沾惠入耳聲聲頌口碑

甌江兩度話重游廢墜都興庶務週義塾頻添看教立豐年  
屢獲慶倉收千秋業在羣欽駿百事工成早集鳩經濟文章  
斯世重恩波浩蕩比川流

勵已勤勞政率先純儒良吏德兼全黃堂望重神君頌赤子  
心慈似母賢學衍朱程源克紹風流王謝譽同傳情深附驥  
多依戀無限潑洄悵別筵

仁風徧播總成春重到嚴陵記舊因 寵錫 楓宸

恩自重歡迎竹馬愛彌真此時擁旆看遮道他日開牙定及  
身績著棠陰同惜別而今惠布睦州民

候補  
巡檢 陳文偉

光陰又屆浴蘭時教養三年慰衆期 北極絲綸從闕下

東甌霖雨與車隨盟心夙願原如水夾道攀轅漫載脂自有  
深恩淪浹在不徒德政共鐫碑

昔年宦跡記重游竹馬歡迎歲序週足食民由知信始鋤頑

神佑協功收政成仁愛村馴雉瑞應豐穰戶有鳩修葺名區  
同喜雨允偕白鹿溯源流

教士惟憑器識先量材易事勿求全俗猶鄒魯添新政績媿  
龔黃紹昔賢王謝流風瞻步武朱程舊業衍新傳應知父老  
臨歧意豈第離懷繫別筵

仁風到處擬陽春兩郡蒼生感夙因實政久能祛俗賸愛人  
本自出天真雙蜺雲靄依行轡一水程遙悵繫身共祝重迎  
開府節東山碩望洽斯民

永嘉縣  
典史 丁鍾文

八

中

記得錢塘奉檄時一年瞬屆及瓜期甌江差幸帡幪託雲岫  
還思杖履隨行篋將移琴護錦征車早駕牽凝脂江干父老  
攀轅切一路稱賢聽口碑

東甌有幸共來游郭伋曾經德化週欣看兒童迎竹馬不聞  
士女刺桑鳩文章醲郁胸中吐山水雄奇筆底收勝跡重新  
資鶴俸蒙泉一勺漱清流

修己臨民表率先醇儒循吏行兼全舊編著作人爭誦新製  
篇章世共傳驅鱷韓文同戴德選錢劉寵並稱賢匆匆上道  
攜琴鶴祖帳填衢列餞筵

萬姓難留有脚春他鄉被澤亦前因推行仁政恩膏渥化育  
英才賞識真此去清風攜滿袖本來明月是前身睦州好慰  
閭閻望來暮歌聲徧四民

代理長林場大  
使候補鹽經歷張來川

大名卓犖冠當時濟世文章早歲期四代典謨功最邃

精通  
六經

尤長  
於書

六經註腳筆相隨學成樑棟堪擎柱詞屏鉛華洗盡脂

賦手文心推第一傳流千載擬韓碑

著有書經集句文賦及  
卦名律句各稿久已膾

炙人口通  
行各省

什年宦蹟浙東游教養兼施惠徧週九姓淪湑沈苦救

浙江  
茭白

九

中

船戶九姓係前明罰爲漁戶完稅者前署睦州事詳請  
裁稅並准改業土農工商今九姓均得化莠爲良矣萬民

衽席偉功收

乙卯歲收  
復樂清

琴書到處惟隨鶴政賦均平試詠鳩

良吏醇儒應合傳不矜王謝比風流

持節甌江保赤先功成兩載慶安全社倉廣積分清俸講院

宏開毓俊賢雨膏黍苗留蔭厚風遺鄒魯衍薪傳化光德博

民思仰

甌民恭懸德  
博化光匾額

亭峙江山設几筵

江山一覽亭落成之  
日民心感仰設長生

祠

自愧蹉跎卅載春從來知遇有前因惠風坐我天懷曠和氣  
親人率性眞架上圖書知滿腹階前尺地許容身睦州此去

重敷政父老歡迎舊子民

候補從九蘇克敬

偉績奇功振一時鹿城冠蓋值昌期歡騰郡邑羣生慰化洽  
絃歌到處隨柳絮迎風餘翡翠桃花帶雨落胭脂眼前春色  
留難住惟向東風記口碑

三年清宦此優游恤吏循民事事週借寇心期驚莫遂依劉  
恩荷慨然收路經栝嶺琴同鶴山入巖陵杖荷鳩煥啟大都  
新政治舊邦膏澤冀波流

王謝風流繼後先儒林聲價獲矜全江亭東郭留千古祠宇

十

中

中山重四賢功業不隨車馬去文章自與姓名傳冠裳復見  
小鄒魯從此經筵勝酒筵

竹馬重迎到處春釣臺峻望亦前因風塵洗盡江山舊霄漢  
長明日月真 九陞重承籌國計三台連進致 君身

同霑雨露東西浙暗祝心香豈獨民

監生蔡保東

喬木鶯遷首夏時懷仁未忍問行期但崇儉德蘇彫劫不市  
私恩縱詭隨春泛甌江牽荇帶風香華蓋劇松脂追尋王謝  
千秋遠輿誦聲聲口有碑

橫舍儲材戒惰游誦絃無間四時週聚螢綴學憐車允驚蝶  
浮華薄魏收鉅集示人譽龍虎好音懷我化鷹鳩公餘只可  
談風月重勗清流挽濁流

誠民要在作孚先教養關懷策萬全積穀社倉籌保息烝髦  
鄉遂待興賢銀黃身縮官箴肅清白心盟世德傳還恐奢華  
成習俗班春鄭重警初筵

七里灘迴問富春預知敷政勗兼因尙餘父老謳思切未改  
書生面目眞海晏不波涵舊澤月明如水證前身漫嫌樸野  
言詞拙雁蕩山居太古民

十一

中

來是陽春有腳時留心教養與民期十年戎馬滄桑變兩度  
蓉江雨露隨講院橫經興士氣神倉積粟厚民脂改絃易調  
薰風曲滿耳謳歌載道碑

鹽運使  
運同銜孟璜

追踪王謝續前游瞬息光陰已十週斧鉞纔纔臨強寇剪旌旗  
將發戰功收指丁卯歲平樂匪事言青山故絳棲仙鶴綠樹新田喚曉  
鳩暫與江山風月別重來登覽憶名流

仁民澤物整躬先百物維新策萬全折獄片言人愛戴衡文  
多藝士瞻賢白頭自笑虛駒隙青眼還蒙附驥傳差幸非公

稀晉謁今朝餞別喜開筵

嚴陵何幸地回春父老歡迎話夙因自昔沿河鉅角起從茲  
比戶誦絃真甘棠海甸留遺蔭霖雨蒼生感及身羽扇揚風  
深挾髓恩膏隨處慰斯民

布政使  
理問銜 李全英

父老依依送別時未能借寇慰心期王喬履舄雙鳧去清獻  
宦囊一鶴隨教化雍容祛積弊性成淡泊厭塗脂甌江三載  
恩膏厚爭勒羊公峴首碑

東甌重到溯前游屈指光陰一紀週華蓋築亭名勝復中山

十二

中

校士衆材收俸分書院官捐鶴糧足嬰堂母哺鳩二百年來  
風化美從知循吏是名流

博物居然似茂先文章經濟兩能全龔黃治績超千古召杜  
勳名壓衆賢桃李新陰今日盛甘棠遺澤後人傳衡文雅愛  
諸生集資福寺中敞綺筵

聽唱驪歌正暮春瞻韓我幸有前因工程料理非閒務杖履  
追隨但率真甌海攀留生佛駕 朝廷倚重老臣身義倉  
積穀知多少留待他時活萬民

舉人  
黃書誥

藉藉廉名獨冠時重來逸少愜民期仁聲遠樹儕龔遂介節  
高標巍下隨帶劍常年除草竊囊琴何處落松脂甘棠從此  
留遺愛去後長懷有道碑  
同在光天化日游情深望歲歲三週公門桃李春風植碧海  
珊瑚鐵網收養裕童蒙資立鶴宏開廣厦庇安鳩金臺講學  
淵源古心鏡同澄仰萬流

紉纓星雲快觀先光分葑屋慶安全一麾譜入循良傳五邑  
爭稱太守賢崇祀褒功新廟貌譚經奮席舊家傳寇公欲借  
情難遂祖道攀轅共做筵

三

中

羣黎忭舞樂熙春敦俗農桑利普因麥秀兩歧欽政懋支流  
一派感 恩眞 丁卯冬樂邑族人與鄉鄰構訟釀成積案公以片言折之洗其寃 須知良吏  
俾傳口猶是儒生玉惜身此去嚴陵瞻福曜定將霖雨澤生

民

舉人 胡 玠

桐江捧檄幾多時甌海移旌又及期明月關河千里共清風  
琴鶴一身隨有心借寇舟難挽無計攀劉轄已脂潮汝回頭

眞可信 甌江俗有回頭水之說去必復來 福星長祝去思碑

莫問前游與後游重來已是歲星週五城絲粟胸中畫一覽

江山筆底收

公捐廉重修大觀亭  
卽江山一覽亭舊址

挾策譽髦欣吐鳳

公增添

中東兩書院膏伏按月  
親加覆試士林感奮

望旌父老喜扶鳩慈雲到處人爭仰

名士於今第一流

士藝何如器識先如

公才學况兼全舟車宦蹟窮山海風

雨衙齋掛聖賢

公講習程朱語錄  
每以此勸民課士

吟嘯亭臺留葉本文章

碑碣證薪傳

公重修大觀亭落成手撰聯匾復於亭右資  
福佛院添置左右山房各系以詩並爲文勒石

以紀江干婦豎爭相送忍聽驪歌唱祖筵

浙水同誇有脚春雪泥鴻爪總前因中興日月人情厚大旱

虹霓士論真謝客巖頭添別恨嚴公臺下妬吟身應聲勉效

古

中

甘棠詠慙愧南疆舊部民

試用陳鈞  
訓導

春風化雨正當時又道嚴陵訂去期半粟半絲思分定一琴

一鶴願身隨傳家禮學皆矜式華國文章不買脂

公著作皆根據

經籍澤徧鹿城傳萬口歡聲載道頌賢碑

豚兒門下許從游幾載栽培寵渥週侍坐忝居桃李屬持衡

不棄菲葑收

男鏘乙卯鄉試  
蒙公薦卷

才慙文筆輸鳴鳳志在詩書拙

守鳩賴有師承貽後學相傳衣鉢溯源流

自古經猷學問先政修百廢策安全

公重修文武廟郡廟  
及存濟祠書院嬰堂義

學等處皆捐廉以成美舉循良報績經三載公下車以來將近三載廟貌維新謁四

賢前為鹿城書院今收設四賢祠一覽江山名勝復大觀亭一名江山雙忠

氣節古今傳雙忠祠公亦重修從茲風俗奢靡革多士宏開翰墨筵

公蒞溫郡文風丕振

何時重到腳陽春持節甌東證夙因陰被召棠餘澤渥雨懷

邇黍舊情真萬家生佛羣沾惠兩袖清風祇潔身酒餞江頭

難賦別攀轅無計慰黎民

侯選縣丞陳承鏘

來暮纔歌條別時幸逢名世際昌期杜陵廣厦千人庇清獻

圭中

行滕一鶴隨獻獄無偏心似秤養廉相率戒如脂棠陰拂拭

加珍重萬本爭摹內史碑公於甌郡諸善舉皆勒碑記事詞翰俱佳

惠宇三年快共游星輅小駐歲逾週屠蘇赤手叨安堵於乙

卯歲提兵剿辦樂城土匪全郡無危薦鸚青冥荷並收公分校浙聞瑞安劉

振興家學博鏘皆出公門下重蒞海邦輪夾鹿歡迎父老杖扶鳩文章華

國猶餘事仰鏡傾風萃士流

有為不讓古人先善政還宜善教全衆口交推循吏最

九重早識使君賢簪纓累葉清芬紹棣萼相輝洽譜傳公

友梅歷守劇郡有聲士民為刊東牟攀轅錄三廉輿頌以傳何幸睦州移福曜一杯祖道

帳開筵

樗散叨噓筆下春名鐫三字豈無因

公於義倉大觀亭均蒙敘及微名與有幸焉

賢侯愛以遺斯永多士恩緣去愈真鍾鼎兼耽泉石癖神仙  
偶現宰官身出山到處為霖雨念切惻癩不負民

送 公迥異迥

公時

公守甌百廢具舉氣象一新

怕近香花祖道期感

試用訓導 陳宗鼇

切每思圖像祝誠傾長願執鞭隨萬間廣厦皆叨庇  
續捐文成會事  
多士感 戴尤深 兩袖清風不潤脂匪敢阿私曹好狗閭閻嘖嘖口傳碑

去

中

兩浙東西徧宦游福星重蒞歲星週

公前於乙卯歲克復樂清駐甌數月 參

芩如與囊中選

謂同門劉孝廉祝三任郎中振颺家學博銷鄉闈卷均出

公門下巖壑都煩

筆底收

謂重葺大觀亭及創建資福寺兩齋碑記

赤子歡傳廉卻鮓蒼生信有化

馴鳩斗山不出民謠應辜負循良第一流

吾甌有斗山不出頭好官難久留語

見郡志

腹笥便便軼孝先儒林良吏兩能全海壖難挽彭城駕鄰郡

爭迎太守賢萬卷圖書三味飫扁舟琴鶴幾人傳臨歧父老

遲攀戀櫻笥厨開滿餞筵

早知有脚是陽春卿月移償未了因如此好官寰宇少難於

本色性情真文章報稱堪華國著述流行况等身轉盼建  
牙迎竹馬慈雲一樣覆甌民

候選 訓導 梅慶元

憶昔兵戎奏績時撫綏曾已愜民期  
咸豐乙卯樂匪滋擾 公帶勇來甌剿滅 自

從此去旌旗別何幸重來雨露隨政紹龔黃恢吏治策全富

庶裕民脂翩翩五馬優游處萬口都傳載道碑

萬姓羣欣化宇游涵濡忽忽已三週  
公自丁卯蒞任於今三載 文章壽

世爭矜式  
公有文稿刊行 甌士奉為圭臬 桃李盈門盛賞收  
中山書院肄業者衆 肺

石情懷消角雀  
民情向化 案牘寥寥 心儀感慕誦鳴鳩棠陰黍雨思無

十七 中

極淡髓淪肌惠澤流

廢墜興修倡自先慨分清俸計周全足民何待籌三載  
添置義倉

未及半年 增穀累萬 葺廟猶能奉四賢  
重修文武廟郡廟及雙忠存濟四賢三祠皆 公捐廉首倡

赤子無知蒙化育  
有嬰堂增置產 業以利久遠 青瑣有教廣師傳  
郡有義學捐資

延 不才愧我邀青鑒  
蒙委中山書院司事 試院會叨侍宴筵  
每遇考課獎賞

之外設席待士 余亦屢蒙筵宴

正幸吹噓草木春無端別思起何因也知此地攀留切卻羨

鄰邦感化真  
公現御篆 守嚴郡 一覽江山新豁目  
江山一覽亭自 公首捐得以

落 成雙攜琴鶴舊隨身相期惟有長生祝頌德歌仁獻士民  
甌民

感 恩深重無以酬報各處奉  
長生祿位並歌頌以誌不諱

候選 孟守廉

已是三年報最時賢侯無奈賦歸期東來盡造黎元福西去

惟留筆硯隨人愛棠甘常有蔭手栽松老漸成脂公重建資福寺補

種華蓋山 松竹花木 羊公重到知何日感泣應鐫德政碑郡民愛慕不已因為公

立生祠並建德政碑

十二年中兩度游乙卯歲樂清土匪作亂公奉差來溫辦理軍務又於丁卯歲蒞溫府任已一週矣

流光容易已成週萬家生佛同聲頌公重立育嬰願改造中東書院添增膏伙修

建四賢祠諸善政一時並舉臨行時又諄諄一覽江山極目收詩各司事無慙其為甌之教養計也周矣

丈

中

華蓋山舊有江山一覽亭傾圮已久公蒞任之始捐廉興造並刻聯句以誌勝亦盛事也地角天涯消

唳鶴烟蓑雨笠驗啼鳩數年以來沿海恬靖歲穀豐收皆為善政所感去思不逐甌

潮散但見恩波日夜流

關心民命政為先積粟神倉策萬全公捐廉舉辦義倉積穀無算曲水流

觴仍勝事公宴多士於大會元亭問字有真傳公著有尚書文及試帖

律賦兩浙宦游錄東甌紀公考取觀風量才每賞休文句兩書院及肄經

堂皆蒙拔取以冠多士廉所作詩文屢荷贊賞遮道難留杜母賢五馬出郊何草草

忍聽驪唱起當筵

睦州風月又生春琴鶴重遷有夙因公兩度溫郡再蒞嚴州買犢償刀

成雅化聽驪酌酒亦天真絲絲梅雨憐長別渺渺雲泥證後  
身勳業文章均不朽 公行何速痛吾民

恩貢 王維鈞

回溯春風下馬時冰銜一片證心期人瞻北斗文章重

學風有 惠洽公車雨露隨 歷仕名區 俱有政績 報 國應須推柱石為

文名 民何止惜膏脂 禁除催科稅契一切差費勒石 示後甌民感仰非止清廉可愛 萬家生佛循

良吏合勒甌東眾口碑

雅愛謝君著屐游旌旗未至澤先週裁成桃李承恩渥

書院課試之法並 添膏伏士林鼓舞 積滿倉箱卜歲收 廣儲社會 飢荒有備 多惠如 公

九 中

廉潤鶴 續捐文成會川 資多士感恩 不才似我拙藏鳩 自 公蒞治生無 公事未嘗投謁

去思無限棠陰望山自長青水自流

著鞭莫讓祖生先吏治儒宗信克全孤嶼千秋標介節大觀

萬古式名賢 捐修大觀亭勒石 題額古蹟重新 十年偉績從頭數 公平樂 匪到溫至

今已過 兩載清風自此傳 榮任府篆兩年間刑 清政簡名譽益著 忽報瓜期催

已速江干無奈餞離筵

此去嚴陵各有春福星移照話前因官多美政遷逾速 重修 文

武廟郡廟及四賢祠雙忠祠存 濟祠書院嬰堂義學美政甚多 詩帶離聲意倍真 讀 公留 別詩有戀

戀不舍 之意 臥轍空勞鄒魯地買金擬鑄宰官身 甌民欲挽留不 得惟設立長生

祿位奉祀  
以誌不忘  
何時重遂瞻韓願竹馬爭迎慰萬民

貢生  
徐丙介

記得 明公到郡時此心久與聖賢期欲將孔孟真傳繼未  
許蕭曹並駕隨多士每思親道範佞人何敢逞韋脂無窮德  
澤深人處載道歌聲有口碑

勤政未嘗汗漫游三年治術徧能週育嬰薪水錢關設取士  
珊瑚鐵網收重築山亭千仞象頻興土木百工鳩循良傳裏  
誰能似藉藉賢聲契上流

教養著鞭祖述先關心民事最周全鷹鷂必逐良民辛鳥雀

中

中

不羅太守賢安靖田房蠲我稅清釐契尾永流傳

永嘉稅契積至十數

年不發 公設局清釐始得給發並除我稅積弊勒石永禁 文章集句分明在欲奪匡劉

經一筵

聞道行旌到富春釣臺再過有前人歌叔度來何暮我愛  
鄧侯挽更真抱負早儲伊呂志經綸想像禹臯身福星應有  
重來日好把甘霖濟萬民

貢生

樊聯升

持節東來未幾時三年報最忽瓜期月移天上光原普雲去  
山中雨自隨庭示懸魚甘淡泊身惟伴鶴杜韋脂蕪詞貢頌

無私語載道昌黎有口碑

回首風塵溯舊游鴻泥重印計星週

公於乙卯奉檄剿成辦樂匪會來甌郡

陰棠棣連枝茂

公季兄友梅觀察自大令歷守東牟三廉均有惠政刊有攀轅贈別兩錄公前宰桐

鄉守嚴郡政績班班亦到眼江山一覽收

江山一覽亭一名大觀亭公重名

之為甌郡勝概

士論翕時咸立鵠民情貼後感安鳩

一以教養為事公奉命守甌

如加給中東兩書院膏伙添鄉試文成川資以及嬰堂義學義塚義倉諸善舉尤其卓卓者也

桐江蜃海無

多路兩地恩波一樣流

教民自以惠為先撫字常勞策萬全十萬戶欣沾教化二千

石不愧循賢甌東政績於今永江左才名自昔傳惆悵北門

三

中

將祖道江聲莽莽沸離筵

五馬蕭蕭去富春

君恩偏重豈無因功能藉手咸思濟

論不吹毛但率真風過花猶留遠韻水寬魚樂縱游身願

公此去三遷驟一瓣心香祝部民

虞貢 馬雲路 生

福星兩度照甌時白鹿城中慰夙期風採翰軒蒙作養文高

訓典願追隨

觀風沐取超等得讀公集尚書文賦

堂新庇廈叨餘蔭人望還

車賦載脂治術悉從經術出萬家合誦去思碑

公餘有暇卽山游小築齋亭屐屢週心鑒冰壺消夏熱粟登

場圃祝秋收

公勸置義倉儲穀備飢

在郊絲組歌良馬懸壁蒲鞭陋爽

鳩柑酒聽鷓鴣追仲若太平官府自風流

猷爲直在古人先培養甌民事事全衣被慈推杜母德棠甘

士仰召公賢

育嬰堂分給絮祆中山館增添膏伙

孝廉望重三吳著生佛休聲

兩浙傳

公有文章孔鄭註應追漢學列經筵

攀轅無計駐陽春澤溥甌東證舊因弊政能除民樂業澆風

頓革俗歸真

公審結誣告諭禁坐筵

綸音褒及臣熙績輿論羣賡德潤

身珠玉留題情惓惓從茲忭頌徧生民

廩生

傳傳

三

中

花驄駕別不多時公餞無忘訂後期勤政何關千巽運出郊

祇有一琴隨仁風譜就薰風曲野露凝成甘露脂好共嚴江

留頌額吾甌復勒去思碑

送行誰不學鄒游擁轍攀轅面面過爲愛葺修功已補爭傳

頹廢事兼收四賢祠古崇遺像一覽亭高了八鳩自是實心

行實政龔黃邵杜羨同流

循循善誘作孚先學行兩途要取全評論鴻文忘長吏分頌

鶴俸禮羣賢金丹換骨深陶鑄玉尺量才豈浪傳愧我荊州

猶未面音塵莫得接高筵

記得慈雲覆富春兩年治績結前因風行部屋羣生洽情貸  
蒲鞭一味真聽訟不矜蕭氏律防河還借寇公身嗣來輿頌  
知何屬遺愛聲聲聽士民

生員 陳宗麟

海天膏雨沛芳時早慰羣黎仰望期一介微如魚亦卻雙旌  
祇許鶴相隨冰心朗澈休懸鑑鐵面清嚴做潤脂拔地甘棠  
欣漸大試聽嘖嘖道旁碑

東浙題詩徧宦游樂成偉績十年週殲除醜類恩無外感召  
天和歲有收紫氣載瞻輪夾鹿白頭重話杖扶鳩數來惠政

三

中

難更僕豈讓當年召杜流

化蜀文翁勸學先春風入座荷生全分沾廉俸甦寒峻大起  
宏規踵昔賢玉尺無偏叨首選金鍼不秘示薪傳栽培自愧  
非桃李立雪頻教與綺筵

甌路爭迎有腳春睦州移守證前因自忘方面諸侯貴我道  
明公至性真擅宰相才膺 帝眷樂山水窟駐吟身台

星轉盼褒

綸綍舊治來旬望慰民

生員 陳啟濤

餞道驪歌忽唱時芳辰正屆麥秋期名區五邑仁風播大道

一車甘雨隨再到巖陵承  
帝命重來甌郡惜民脂今思  
百廢俱修後勒石爭看德政碑

曾向甌邦記宦游今朝屈指歲徧週黃童赤子懷深育東箭  
南金仰廣收蜃海一船看載鶴鹿城萬戶樂安鳩堂虛懸鏡  
眞賢宰廉比清泉石上流

發政施仁四者先於今上下慶安全萬家生佛民人頌兩袖  
清風太守賢粟積欣歌年大有置郵喜見德流傳青青柳折  
斜陽裏遮道擎杯淚滴筵

膏雨千家甌海春口碑獻頌豈無因宏開講舍崇文教欲革  
澆風務本眞偃草欣歌君子德傾葵爭慕大夫身晚潮欲送  
舟千里臥轍攀轅在子民

生員  
高綺

竹馬歡迎憶舊時行旌無奈促歸期牛刀犢劍風如在鶴隴  
琴囊喜共隨五袴歌聲騰里閭一錢揀選念膏脂於今怎作  
攀轅計黎庶熙熙口勒碑

非關張翰悵秋游屈指光陰候已過花燦鹿城春雨足帆歸  
蜃海暮雲收訟消庭靜無爭雀工葺亭新共樂鳩

去歲  
捐廉重建  
公

大觀亭百工趨功一路福星高照處甌江父老仰承流  
赴事按日而成

化擬文翁憶後先，勤勞教養更求全。循良足媿龔黃業，樂只  
宜歌召杜賢。藥餌濟人心，惻隱

公設延壽藥局濟人

詩書造士澤流

傳，援鞭截鐙無長策。一曲驪歌餞別筵。

草綠西堂感暮春，謝公雅治繼相因。冰壺懸鑑誠非爽，玉尺

量材不失真。

中山書院每逢二十名覆試各加增膏伙

公課揀選三載仁風清肺腑

五封化雨浹心身。

九天鳳詔榮膺命，東浙來旬慰萬民。

生員

王德音

隼旗乍駐幾多時，爭奈留恂未許期。安石仁風宜扇贈，鄭宏

霖雨感車隨。民生勤恤情通隱，婦孺名香口有脂。南國棠陰

三

中

何處是慈雲，齊拜路公碑。

甌東宦跡記重游，電掃攬槍歲一週。勝地湖山資補葺，詩人

風月愛兼收。筇輿徧踏廉隨鶴，竹杖閒扶健策鳩。坐嘯大觀

亭，著句清名原不愧。江流

政成端自一身先，避毀何心企瓦全。東里愛遺曾有謗，南陽

威畏豈非賢。刑清豸獄奸民少，治格烏翔肅吏傳。從此黔黎

歌戴德，驪駒忍聽唱離筵。

星駕輶回到富春，嚴陵風雨證前因。歡迎竹馬兒童慣，熟食

莼鱸趣味真。保赤原無分異地，宰官敢自惜閒身。重來與訂

攜柑約釀酒蓉江祝小民

生員  
項鳴珂

奉命軺回夙駕時雉馴陰覆麥秋期千家膏澤羣露沐一榻  
琴書喜自隨治譜人因欽吏術神君祿未竊民脂仁風遺扇  
爭傳頌不朽豐功願勒碑

昔時五馬記行游逸少光風今復週別墅煙霞供嘯傲訟庭  
案牘盡閒收冰心一片酬封鮓網面三開狎放鳩公正廉明  
儒雅吏如君真不愧名流

示朴教成天下先澆風薄俗毀方全徹金裴相嚴家法脫粟  
中

公孫勉後賢鄒魯絃歌承雅化程朱理學契薪傳甘棠處處  
歌遺愛忍使驪駒唱祖筵

三月鶯花續富春嚴陵再訪紀前因詩書蜀治增新化面目  
廬山識舊真兩袖清風惟載石一車霖雨許隨身聽鷓有約  
君無負柑酒重攜祝此民

十一齡  
童生  
陳壽宸

棠陰清潤勝花時瓜代於今悵及期五馬春風曾有識一瓢  
江月與追隨知移名郡重承簡欲挽高車莫載脂父老攀轅  
情不淺聲聲遺愛口如碑

東浙題詩足宦游  
甌江暫駐歲重週  
海邊士有登龍慕  
壁裏經堪集腋收  
官舫隨身惟賸鶴  
農家趨事慣聽鳩  
笑子竹馬兒童輩  
也附中山第一流

鄒魯從來禮樂先  
使君教化更求全  
更新風俗歸才畧  
終古文章繼聖賢  
已卜聲華斯世重  
共推品節是家傳  
此行留戀中川否  
別思應添送客筵

華蓋山留萬古春  
詩情宦跡總前因  
一雙塔影離愁遠  
十九泉香舊夢眞  
學士堪題三過字  
客星須識再來身  
天邊風露樓還在  
億兆仍爲杜牧民

圭  
中

東甌留別和章

下卷

屬吏紳士和章不拘體韻

中東書院掌教孫鏘鳴

十年重聚鬢毛斑政在甌民萬口間判事公庭無滯牘

歷官公

以來無不可立結之案蓋有明決過人之才而又實心愛民乃能如此

庇人廣廈有歡顏

吾郡書院

嬰堂義學君皆捐俸重修添設經費厚給膏伙

耕桑海角連年稔禮樂天南運漸

還試向大觀亭上望已知潤色到湖山

重建華蓋山大觀亭

其有雜愁對酒盃寒羶懷抱向誰開文章孰繼乾清美

重修君

四賢祠鄉賢周恭叔以下三十人從祀皆游四先生之門者

悃悃難逢卓魯來嚴瀨定知

喧竹馬謝巖何日築書臺

君與余言省局官書將刻成欲令各縣籌款詳請多行印發以為

書院考課獎賞之用而余尤欲廣購全史經疏及諸有用之書儲藏院中俾有志實學者得資攷證而廣見聞然君既

行恐無有能為之者矣

蜃江入海桐江接頻上江樓望斗魁

候選知縣張兆熊

五馬初來治道張省耕省斂兩忙忙此邦昔早稱鄒魯太守

今尤邁謝王政必便民清利弊官惟造福進賢良下車未久

多新治百廢俱興意未遑

華峯高聳出雲端新建名亭極大觀一片江山天外矚萬家

煙火眼前看襟懷願與同憂樂經濟材能策治安豈第游觀

增勝景愛民心切恤民艱

願將福惠庇斯民資福宏開兩院新四面窗懸仁壽鏡一心  
佛證宰官身閒來禪寺參神妙每向民間問苦貧聞宴佳賓  
頻勸酒和風散作十分春

當日雙忠舊有祠飄搖風雨半傾欹重新隆構華山頂復振  
芳徽甌水涓百代英靈昭肝蠻五城官吏奉箴規我從異地  
來瞻仰風教維持衆所推

重修兩院舊祠壇膏火新添衆盡歡愛士不忘爲士日生才  
匪易育才難衡文巨眼風崇正立教深心道尙寬此後科名

應鵲起滿城桃李屬春官

重闢層臺爲育嬰端知撫字具深情二千石祿能捐盡數百  
家孩務養成烏覆羊腓誰誕寘女羈男角並含生使君懷少  
恩彌至蔀屋流歡徧頌聲

正直臨民務養民凶荒預備念艱辛室家合計方千里菽粟  
宏籌累萬困保庶其循東魯訓濟飢重見宋臣仁從今詎患  
流離苦樂歲人含大地春

甌城羈跡已經年喜聽仁聲到處傳時雨甘流千里潤慈雲  
覆徧萬家煙民皆赤子深烏愛我附蒼生拜馬前異日巡方

留蔭遠棠陰樹樹綠遮天

署溫州府  
學教授 王樹棠

五馬重來閱二年海邦爭頌使君賢  
龔黃治績於今繼元白  
才名自昔傳桃李春風材廣育  
黍苗膏雨澤無偏  
甘棠此日留餘蔭會待碑銘德政鐫

杜老窮愁懷廣厦山歸隱念民裘如  
公喜處得爲地當事先爲急務謀  
困積陳因虞歲患祠新報薦景儒  
修登臨更復名山蹟豈爲公餘事  
宴游

三

下

成見協輿情利源豈獨茶桑辨  
民隱都消雀鼠爭試問攀轅  
諸父老心歌腹詠自輸誠

酌水當年早勵清從教五邑播仁聲  
蒲鞭示辱知刑省蔀屋  
騰歡見政平經濟由來根學問  
通才端不負科名行春此去  
嚴陵道看取兒童竹馬迎

舉人 葉俊

莫綰長亭楊柳絲使君鄭重別  
民時九山如斗瞻韓切

郡治有九

斗五馬臨岐借寇遲

士民愛公擬進省保留因格於例而止焉

方幸萬家霖雨

足其如一度歲星移漫言父老攀轅衆信有恩膏繫去思

兩載東甌治體崇實心實政莫如

公

重整中東書院及義學義塚嬰堂諸善舉

籌添經費

文章力挽衰頹氣

衡文首崇經術

習俗先除侈靡風

甌俗婚嫁奢侈坐筵

尤甚

公皆屏迹然亦

拔薤有時成果決懸蒲終竟示寬宏

公決獄如流豪強

不向刑威

須知一事關心盡倉粟盈盈利不窮

建造府盈餘倉及義倉儲

石備穀

嚴陵舊政號稱神

同治丙寅倭抵嚴州謁謝房師李續石夫子其時兵燹之餘瘡痍滿目公墾荒儲

穀興學校建祠署百廢具舉稱神君焉

此去官程祇一旬明月不妨千里其慈

雲常覆兩家春

公前以剿辦樂清土匪來溫後又擢守嚴州由嚴移溫今又任嚴宦迹蓋拳拳兩地云

勤求民隱知荼苦

捐廉重設採訪局得男婦五百餘人照例請卹以彰節烈 誼篤交游抵

四

下

酒醇何幸識荆酬夙願休休雅度倍情親

回憶當年始下車一函鴻寶賜傳書

公到任蒙以書經集句文賦易經卦名試帖

及兩浙宦游記畧見賜經術吏治窺見一斑

定知著作名山富旋覺心期白水如

行李僅裝清獻鶴宦情仍戀子陵魚

嚴州有子陵釣魚臺公重為之建祠

僚我有師恩重憑仗東君暖氣嘘

房師李續石夫子向任嚴州府同知

優貢生儘先選用 任振颺

泰岱薄青天仰止小培塿堂廟響洪鐘奚屑聽瓦缶卓哉

戴夫子禮經富二酉江左景才名甌東來作守伊昔下車時

歡聲溢節綬瘡痍兵燹區寬嚴難措手迨夫政教成賢良實

稱首笑比黃河清喜怒毫不苟瞻彼庭懸魚餽遺知不受關  
西迺同心清獻信僚友爲民雪覆盆東海無冤婦爲民免噉  
鴻倉庾積紅朽寒峻亦歡顏廣厦千間有育嬰分俸錢方生  
祈黃耆教養兩自全召父與杜母風雨召和甘休徵從無咎  
所以連歲間黃雲覆南畝年稔人自安化民俗不莠材扈夜  
無聲萑蒲清淵藪此是大經濟豈徒榮印紐尙憶賓興年衝  
文瞻山斗鶚薦雖虛邀鴻恩卻自厚未舞羊公鶴毳氈呼負  
負朽木蒙重雕循循仍善誘自笑出山雲遲遲戀岫口蹉跎  
復蹉跎而 公曰否否努力須及時欲行毋掣肘懷訓倍悚

五

下

惶千金思做帚小草被春風尙思博升斗今 公奉 恩

綸催 公五馬走我行未有期 公鞭指嚴阜新都六邑民  
雲霓望恐後甘棠昔留陰葱葱瞻道右指日餞行旌攀轅觀  
童叟留 公膏雨車酌 公婪尾洒渺渺甌水波依依長亭  
柳杜宇漫山唳驅歌急舡扣 公稱古循良得 公惜未久  
門牆語豈私口碑鐫岫嶠裁詩譜風謠用以告我 后

世襲雲  
騎尉 陳樹藩

昭代循良重神君政績成三年留治化萬事仗修明自守嚴  
江日先聽廉吏名魚租蠲一一黔首賴生生奈抱雲霓望難

杼飢渴情焚香看記畧引領盼來旌况昔兵戎際曾經斧鉞  
征冬風方鬻發賊勢正猖橫膽已民間落風聞大吏驚是誰  
能禦寇有客請長纓仗義 公崇勇邁征敵莫撓湯溪移節  
使我邑見神兵策自籌帷幄軍知肅旆鉦旗旌纒雨沛號令  
已雷轟叢爾么麼伏公然海宇清寇戎如竹破婦豎盡心傾  
一自籌謀善兼知運量宏脅從憐逆黨招集撫流氓宥過干  
村活明刑萬獄平只緣深體恤彌復見真誠從此風聲著爭  
傳月旦評甘棠賦南國苗黍誦西京爭奈 天恩重偏教  
宦迹更富春迎太守甌海別名卿遺愛知誰繼深恩到處廣

六

下

福星談道里樂府譜簫笙 公自鶯遷後民懷鵠度正姓名  
千戶識剪伐一心盟何幸珠還浦重覬國有楨一時傳邸報  
萬口動歡聲父老壺漿備兒童竹馬迎行旌飛遠道喜色滿  
重城計日剛初夏聞風共向榮令名羣悉聽官舍力經營自  
接檀車至爭知竹節貞海邦瞻越石 帝室驗梅羹果是  
官箴肅從教治道亨魏公原羽翼長吉本瑤瓊化雨隨時至  
清風兩袖盈心心殷保赤默默善持衡駒影從分惜鳩工逐  
事精下車時正始執政事兼并廉肯輸清俸庖還減大烹懲  
奢明禮節分縣鎮強勅信自豚魚格庭無雀鼠爭文風徵院

課士學振庠巽典祀崇文武昭忠建廡楹貞賢香火續穀粟  
社倉贏廢墜因時舉功勳次第呈旣然勤養正猶復計全嬰  
幼穉知絃誦號呼免癸庚只聞風藹藹不見泣惶惶從此澆  
風革奚煩木鐸鳴 公還當政暇時尙覺心忤廢祀憐枯骨  
荒郊恤故塋園因思漏澤徑爲辟叢荆置榻遵遺制修祠葺  
舊臺鬼從免食餒民豈致心盲鴿式消頑鈍鳧趨任使令春  
臺懷德禮夏屋萃豪英化善覘風草刑清息墨黥花村忘犬  
吠綠野課農耕邦已新如此天從降以禎人咸歌有豸時不  
待祈鯨風俗仍鄒魯年時協雨晴蓉臺花皎皎蓮幕月瑩瑩

七

下

却趁公餘際偏多逸趣萌大觀春覽睟二此晝聽鶯梵刹因  
生色林泉資勝行登臨雙足健踪跡一僧偵似此官堪愛伊  
誰念不縈感恩方刻骨飲餞又飛觥麥正雙歧熟帆懸一片  
輕東郊波隱隱南浦草菁菁那復駒維谷何時鹿食苹離情  
環碧水驪唱雜倉鷗治績碑千口行囊詩一簞春風何草草  
飛鳥亦嚶嚶枉作攀轅想徒將別酒盛惟吟八百字相送一  
千程

天遣台垣下且甌廢興墜舉政優優噓枯廣庇千間厦衣德

候選  
訓導 陳葆恩

羣叨十丈裘茂舍肯忘公爽去攀轅難爲寇恂留津亭父老  
爭羅拜敬把香藹列道周

使君原是出山霖清獻行滕只鶴琴治郡重修循吏傳恤孤  
不失大人中間閭慶協維魚夢暮夜廉垂卻鮓箴匪止文章  
能活一國等身著作播儒林

億萬蒼生望若神口碑噴噴惻然仁福星曾蒞騶搖宇甘雨  
隨澆兵燹塵撫字心勞寬猛濟部民視比子孫親三年兩袖  
清風拂祿俸分霑獨耐貧

陽春有脚徧臚歡俗易風移挽倒瀾比戶絃歌懷雅化領城  
額手頌清官敝車羸馬仍儒素厚地高天鑒寸丹何幸睦州  
人厚福花驄移駐慰瞻韓

候選  
訓導潘鏡暉

一輪皎日照甌東五邑人如在鏡中教本以寬兼濟猛政先  
立德次言功勤求民隱頑苗格感召時和滯穗豐從此海邦  
鄒魯地瓣香爭欲祝明公

才名江左擅清華經濟文章自一家郊外旌旗春視稼門前  
桃李手栽花籌儲民有耕三慶分俸人皆拔十誇計取頻年  
新德澤心歌腹詠徧桑麻

帝廷報最首廉明三載勤勞有政聲白傅大裘叨庇蔭杜陵  
廣廈費經營棠階晝永鳴琴地部屋春深課織情更喜江山  
留勝蹟大觀亭下拜長生

飄然琴鶴大江潯生佛家家欲鑄金一路循聲碑在口三年

治譜水盟心如春德澤留餘慕似水離情付別吟寄語睦州

諸父老舊時王謝又重臨

歲貢 陳 鏘

持節甌東報最良樛材仰荷立門牆三年膏雨歌郇黍

溫郡已 屆三載 五邑醇風譜召棠 屬溫五邑皆仰公德 經學名家宏著作 初鏘

九

謁時蒙示文賦 因緣文字蕪心香 郡有中山東山書院公

兩稿俱集尚書 復改設四賢祠及義學皆延師課讀 陽春有腳來何暮得慰成都叔度望

玉壺冰澈證心盟琴鶴相隨適性情自古循良能本色從無

勤儉不清名鴻噉有託蒼生慰 荒歉民皆感仰 魚夢頰占

綠野耕 公下車以來皆豐年 百廢具修分鶴俸 郡文武廟郡廟及雙忠祠存濟祠等處皆

廉重修 宦游兩浙遞仁聲

愧抱鳩安守舊林文章知遇感恩深無才枉藉春風力 鏘應乙卯

科鄉試蒙 公 閱卷呈薦不售 有志敢忘立雪心具大經綸皆學問願將師

訓作官箴何時得遂鵬搏望衣鉢相傳報好音

三錫

恩綸

丹詔宣重來觀察待經年萬家子女留

餘蔭

郡有嬰堂經費不足  
公捐廉籌款補助

一覽江山話舊緣

華蓋山大觀亭  
一名江山一覽

亭為名勝所傾圮  
已久 公重建之

帝鑒臣心盟白水人懷治績對青天留侯

借寇慚無術甌海嚴陵方寸懸

貢生

戴汝榮

違

公何速見何遲

公去偏殷召杜思事不因循防坐廢

心維耿介絕無私風流王謝芳型繼廉靜龔黃政績追借寇

未能添別恨驪歌欲唱早神馳

退衙一卷興徐徐循吏由來愛讀書與物不爭廉叔度活人

十

下

無算路溫舒珠還合浦心無愧鶴載行舟節自殊江左才名

東浙政禮經家學裕居諸

劇是當時白樂天循聲卓卓共稱賢養民惠著蒲鞭政課士

清分鶴俸錢四境瞻依民似子三年小住宦如仙知 公此

去應留戀多少甘棠樹道邊

一麾遙指馬悠悠鹿郡桐江路正修彼地定興來暮頌此都

同繫去思謳蒲帆叩送袁生佛竹馬重迎郭細侯願慰蒼生

霖雨望旬宣指日到吾甌

副貢生候選

直隸州判

張應燦

僻海民情幻蘭堂撫字難頌聲三載遠

公蒞溫郡將近三載

風化五

封端

溫屬五邑近尚侈靡公下車以來盡革其習

振墜分清俸

郡城諸名勝暨書院嬰堂等處頽廢

已久皆捐廉倡修

懲貪免素餐

公屬員中有懷貪者皆參免其官

居官無長物惟

有寸心丹

宣猷先教養治績邁龔黃實惠沾邨黍休風洽召棠清勤朝

運璧心跡夜焚香從此嚴陵去升恒未可量

廩生

江城

三年廉太守萬事慰斯民禮學家風紹絃歌化雨新

公增葺中山

書院及諸義塾多士厚蒙栽植

青焚香裊裊紅積粟陳陳

公建義倉以防荒歉百姓感仰

士

下

莫遂攀轅願仁車又富春

甘棠行處樹高蔭庇甌東萬口仁碑綠千門別淚紅裝輕船

載石宦久袖藏風他日循良傳龔黃事與同

附貢生張應階

留不得是驪歌擁不住是花騶望公不行公竟趨公

行何速民嘻吁攀轅截鐙踵相扶誠哉愚民何其愚有政在

耳碑在口感公頌公心區區

公之來自渡口公之去向嚴阜送公行兮徧童叟童叟

嬉嬉無諛詞萬口惟稱賢太守太守政惜未久匆匆駐節甫

三年忽被他邦奪而走此地無福彼何厚

君命難違空

搔首

憶公初下車奸豪斂跡民情舒有利必興弊必除公餘仍自愛讀書愛讀書樂于子二禮家傳富居諸循吏名儒兩擅譽守儒素甘淡泊食無兼味商熊魚儉以養廉言豈虛

憫公勞勤鞅掌仰

公政在教養視民如子闢痛癢求才

若渴世無兩謂子不信請看今之書院與嬰堂有費之增力誰仗蒸蒸髦士嬉嬉童化雨慈雲人共仰其餘善舉不勝書義學義倉次第做幸今繼守有賢侯推之廣之利永享

三

下

利永享亦

公恩

公無他好惟

治安

公心如白水

公政如幽蘭水潔愈可味蘭香久更存謂公太嚴內則

寬謂

公之寬私執于寬與嚴兮各相濟信爲古之循良官

公今行兮萬姓忙祖餞紛紛徧道旁道旁有柳折不得留作太守之甘棠甘棠樹何葱葱恩蔭長垂東甌東公今去

向桐江郡桐江甌海水相通願公惠政遠相及朝夕傾耳

拜下風

生員

王任忠

我思潤州

戴太守來去清風盈兩袖下車取士採轡軒便

識文翁足教授治甌二載尙清廉冰雪自持一介嚴風節無  
慚二千石經術治術兩相兼汲黯臥閣常不出廉范五袴樂  
安逸民物豐盛民俗恬坐筵一禁知擗節爰修院宇課諸生  
繼建義倉待呼庚四賢雙忠祠並葺百廢具舉聿觀成當此  
三月春將暮無計留得東皇住忽讀太守留別詩離恨交縈  
海天樹蔀屋皆忘太守賢但聞 公去思人聲囂馬聲驕太  
守旌旗出北郊太守之轅不可攀太守之德滿民間葺我忠  
貞祠修我城鄉廟除我華麗風明我詩書教積穀備民飢育  
嬰惠羣少餘澤及黃泉黃泉鬼亦笑噫吁嘻太守來山林花  
木笑顏開太守去父老牽衣留不住離歌一曲過雲起從今  
化作嚴灘水聞道嚴灘花已妍東甌士民誰見憐薰風只送  
蒲帆去何日吹還下水船

生員  
吳作瑩

一陣風吹祥雲開東甌忽然生佛來生佛來時治握要經緯  
天地具雋才清分鶴俸庇多士多士濟濟沐栽培發政施仁  
先孤獨解民慍兮阜民財仰之如日瞻如雲來何遲兮去何  
速駕行不俟可奈何只有心香一瓣祝願爲 公僕夫爲

公回馬首願爲 公從人爲 公進壽酒所恨未能侍講筵

終日惟聞循循誘幸何如之彼都人從此又覩慈父母歎息  
八千子弟在江東撫養誰復繼 公後依依不舍攀轅情未  
知 公亦曲諒否

生員 胡保承

太守家風禮學崇笏林重疊羅璧琮使君壯歲綰青銅五馬  
來駐東海東浙水諸侯奉宗工甌江髦士欽仁風政治第一  
超黃龔教養直與王謝同西榭堂前啟繡櫳芙蓉村口朝勸  
農籽粒堅好熟長種其比如櫛崇如壙春風草暖馳花驄秋  
雨更深聞野春捐廉建學恩惠隆神倉積粟誇盈豐中山一  
麓當要衝開學養正作聖功子弟佩環藉磨礪大夫蘭芷香  
童蒙講堂樓閣樹橫縱董帷周榻紛相從蓮城處士聞鼓鐘  
攜囊負笈來鄰封穎川渤海稱協恭召父杜母追芳蹤邇來  
天子達明聰翠輿頻出上陽宮 詔訪循良 錫賚洪  
薦章交推上 九重課功報最錫彤弓良二千石人中龍

治績遠過北海邕榮遷指日羨飛翽握篆命主嚴陵中黔黎  
遐邇荷帡幪茆檐部屋獻豸蹤天和人慶歡無窮甌山轟轟  
水淙淙風輪大地歸陶鎔黃堂紫閣春意濃太平日月長曠  
曠海濱父老咸肅雖拜手稽首齊鞠躬頌聲載道美上公化

育生養出深衷長歌用祝東郡翁青珉百代銘勳庸

生員 方 輿

麥風拂拂嫩晴天一曲驅歌奏管絃別有琴書供畫舫幾多  
膏雨沛連阡倉箱粟積陳陳久桃李花開處處妍知否巖灘  
何日到候潮人立滿江煙

尺幅蒲帆挂曉風匆匆人在別離中招來舊伴舟棲鶴獻罷  
新詞技笑蟲一路福星懷子駿萬家生佛頌溫公重來此地  
知何日竹馬歡迎待小童

生員 吳廷藻

左

下

熊車忽別鹿城東三載空攜兩袖風刪禮家聲留赤牒秉公  
心跡格蒼穹文章大半根經籍

公蒞任以來 尤幸中山開廣廈 公著作多集尚書 民物頻年慶阜豐  
三載民豐物阜 收將多

士答 宸聰

東甌萬口沐甘霖政績清勤世所欽宦轍幾經周兩浙

已近二十年 循聲恰合卻千金亭修一覽游觀壯堂育羣嬰保艾

深郡有一覽亭育嬰堂皆已傾圮 公倡捐重葺 此日攀轅諸士女願留芾舍憇棠

陰

生員 陳體芳

東甌自古稱名區淵源理學紹程朱而今幸有賢太守重新

祠宇重名儒

公重修四賢祠附祀諸賢三十人並捐廉置田以備春秋祭祀

况復育士宏

講舍中山東山院落修

公重修中東兩書院

人文從此欣蔚起大海

珊瑚鐵網收其餘善政難細數不獨積穀防民飢

公建府倉儲備穀

石惠普嬰孩廣厦庇澤及枯骨野無遺

公重修嬰堂添置屋宇並增置義塚山

地以備掩埋

公庭判事明如神日夕不遑無留牘

公於三八角期坐大堂收呈

原被告同時到堂即行判斷

寬以濟猛猛濟寬剔弊除奸紀綱肅大澤如

春春有脚軫民艱兮恤民瘼杖鳩父老慶豐穰騎馬兒童相

雀躍唱到驪歌一曲傳攀轅遮道實悽然好官那得長留此

去

下

慰爾民情報九天掛帆欲別甌江去甌民去思嚴民喜古來

仁風當奉揚袁韶人稱爲佛子潮未生兮波欲皺纜未解兮

江之濱德政之歌歌未已海天長樂一犁春

生員 金兆嘉

一水潏洄繞錦城祥祿德政頌廉明篆分丹鳳家聲舊學辨

癡龍絕藝成

如漢之戴次仲宋之戴岷隱俱以經學名

安國重來文滯古少陵老

去律彌精

公治經於尚書尤稱淹貫所著易經卦名試帖詩律亦極謹嚴

鬱林遺跡今猶

在兩袖清風一葉輕

昔曾幕府相機宜今又華堂悵別離白傅洛陽留惠澤

公治郡

諸善政次  
季鷹江上趣歸期燕臺駿骨千金市冀野龍枚一  
顧遲丁卯決科子亦曾蒙賞拔政紀西華家有乘新詩合譜竹枝詞

童生 潘福輝

東甌古稱人文藪理學淵源承師友更兼山水雄一方名勝  
由來傳已久於今風俗漸澆漓競逐紛華失忠厚况復年來

搆甲兵勝地凋殘難回首憶 公蒞此未三年百廢俱修惟

恐後公甫下車即首倡捐廉重建大觀亭修葺文武廟 瘡

痍至是復又安教養兼施良不苟公為嬰堂籌加經費嬰

書院廣增膏伙優獎生童又續捐文成會以助資與士皆感

悅增立義倉勸捐穀石更市義塚收埋羈縲惠澤所敷民皆

化還為末俗挽頽風百年口實重代剖甌俗婚禮坐筵一節

獻之禮享婦遺制並無男女混雜以及傳杯敬爵之事惟因

袁簡齋太史偶以豔語點綴資一時騷壇韻事遂遺百年口

實梁中丞浪迹續談辯之詳矣今公東甌記畧善政班班

復為力白其誣並蒙嚴禁此舉庶免貽譏當世

皆可傳循聲在耳碑在口君不見 公之兩袖但清風暮夜

饋金知不受 公心如水政如膏雨露濃分到處有 公今

去此樹甘棠攀轅臥轍徧童叟驪歌初唱咽江流折盡青青

道旁柳挽 公無計送 公行望斷斜陽空袖手

十一齡 童生 陳聯甲

榮膺五馬駐甌東叔度初來德政洪令甲隨時皆化雨由庚

無處不春風清分鶴俸成工易郡有文武廟郡廟雙忠祠存濟祠及書院嬰堂義學皆

公捐廉重修廉表魚庭勵節同父母臨州方是福頌聲已徧鹿城

中

三年報最煥宏模公下車來已近三載頌德歌功徧九衢懸鑑何殊

窺水鏡公善政一秉至公苞苴悉絕盟心只合住冰壺僻隅共被青莪化

公蒞溫郡樂歲猶憐庚癸呼公蒞任三年歲皆大健吏

振起文風熱復建義倉以防荒歉才華廉吏品恩銘口版衆情輸

此去巖陵話夙因公前守巖州舊車新政證傳薪棠陰仍復甘留

召黍雨重吟膏憶邨名下羣推生佛籍歐民感公盛德皆供奉長生祿位天

丈

涯徧是宦游人樗材曾荷栽培力公課中山書院屢蒙拔取度有金鍼

乞問津

手盜薔薇滴露幽佳章頌誦徧吟謳側身琴鶴供清賞舉目

江山勝舊游華蓋山大觀亭一名江山一覽亭傾圮已久公重建之童子何知能借寇

小民到處說留侯潮生孤嶼風帆速一樣廬江載土舟

童生 潘瑞壽

溫溫恭人淑慎其身民之多辟其命維新柔遠能邇靖其明

神莫敢不服率土之濱

樂只君子令聞不已遐不作人濟濟多士夙夜在公之綱之

紀立我烝民猶來無止

集葩經句

廩生 鄭慶祥

惆悵長亭問何事  
催人逐逐况又是春風歸去  
悽涼滿目竹馬纔迎  
飛旆至蒲帆不管人心  
蹙向之江載出一船書  
去何速  
修廣厦儒林沐輸清俸  
倉箱足又赤嬰長養  
黃泉蒙福佛國重新  
梵宇色忠魂到處香  
煙復歎而今只把宦  
游編焚

香讀

右調滿江紅

十三齡 陳壽寬  
生員

海國春融文翁化醇  
五袴歌纔奈兩歧麥  
秀瓜期已逮乍吟

七

下

來暮去思又催報道  
竹符新移建德真箇  
陽春有腳哉甌江上  
潮聲聽緩去暫攔帆  
開 幼齡便炙丰裁  
記竹馬丁年一騎陪  
迺風清滿袖便噓小  
草水澄一鑑不染纖  
埃百廢具興兆民永  
賴此日攀轅意自哀  
况當此恰留春無計  
那不徘徊

右調沁園春

